


5563.8
8068
v.1


剛齋遺稿

仁



DHEW





剛齋遺稿序

文章固美矣其於學末藝也於才小技也此何足以繫其人之全而然既蘊忠信積和順則氣機所動盪英華所發見自然形諸言語施於翰墨省就而誦讀可以知其人今就剛齋金子之詩文著述諸篇而誦讀之其真可信矣金子自幼好學到長益勉々原本於詩書六藝泛濫於子史諸家探索之既勤蓄積之既茂而為文不規々於作者軌躅不數々於俗下科臼而典重爾雅冲澹蒼容刊落菁華流露性情藹然為有德者之言詩則蕭散恬靜敦厚淳古絕無綺麗之製繁促之辭如非存諸中者有素則形於外者豈如是乎哉至於纂先世之事行錄慎終之儀節喪服究名義深衣考制度追遠儀祭禮論及其理氣問辨之諸書皆真知篤行探源經傳之推也平生雖未嘗以學問講明之業自居而自號信乎其深有造而實有得也余既同閑而居同知而交追隨游息爰自弱冠而幸賴良友強輔

提挈導迪冀有所資益開發膏肓拋無奈乎才性悠泛荏苒虛度其歲月因又名利俗習漸染埋沒居然老大竟底獲洛而子之違世長逝已十更寒暑有餘年矣俛仰幽明聲韻永隔每端居靜念有懷靡及今其胤君哀輯遺文散稿編成一秩而以余曾托末契宜有所與聞而詳知來求弁卷之文嗟余之孤陋寡聞瞭無所知雖平日猥蒙不鄙相與之特厚豈敢曰知之詳而言而可信歟竊自傷風流文雅而今日邈若山河之餘復從遺文散稿森然於心目之間怵若隔晨安得無臨卷而永唏也余於是亦不得以無聞知而辭遂為之序

上之元年辛亥七月上幹輔國崇祿大夫知中樞府事李若愚序

文章固美夫其於世未幾而子之已矣其入之金所為所

剛齋遺稿卷之一

辨疑創論

辨浩然章疑

公孫丑問曰雖由此霸王

霸是以其君霸之霸王是以齊王之王

丑於上章既期以管晏而見斥故渾舉伯王為言然猶以責任之重或慮其動心是不知孟子又焉知伯王之道甚事故聞孟子不動心之答而借孟賁之勇以贅之其見識之粗淺可知下文引刺客之流力戰之士以設譬者此也

我四十不動心

汪氏云四十以前規模基址已定四十以後以性打磨煅煉愈精說得是

集註恐懼疑惑

說氏謂恐懼字是養氣張本疑惑字是知言張本即勇

惑在三十而立之後德立而道明誠而明也孟子之不動心先知言而後養氣道明而德立明而誠也
亦無道明德立非專是明也

曰是不難告子先我不動心

按當大任而不動心極是難事曰是不難者承丑也孟貢之言而解之曰是若乎不

問其所以不動心者何如而強制不動如告子則為不難耳存疑曰抑告子者欲見己之不動心異於告子處耳

○四書釋

地曰不害乃浩生之名非告子之名

未如

不膚撓不目逃

膚被刺而不撓屈目被刺而不轉睛便見必勝市朝

君傳曰日暮之後過市朝者以市之行列如朝位故曰市朝

視刺萬乘之君

視耿

無嚴諸候

無畏憚之諸候

必反之

無論貴賤皆反之

舍豈能為必勝

二句舍目語

二子之勇未知孰賢

直說二子未知賢否

守約

守字者得其要約守字活看

似

只其氣像相似

○說統曰不動心便是勇故下文以勇字發明不動心之道

曾子曰自反而縮

是理直處為浩氣以直養之本

千萬人必往

非輕視千萬人雖千萬人不見其衆

孟施舍之守氣

按施舍守之氣告子勿求氣之氣與孟子無暴氣之氣同一氣耳氣非有兩樣原其本則均是體之充然施舍專

靠血氣一任其剛強暴戾告子強制其心不復求助於氣則俱不免暴氣之病而其所以不動心者吾知其有氣豈動志之弊也

之守約

按此約者理也

曾子

告子曰不得於言勿求於心

是言

不得於心勿求於氣

是暴其氣處

蒙引曰自

志氣之帥至暴其氣全是破他不得於心勿求於氣之說其不得於言

勿求於心一句已斷以為不可故不復論

志至焉氣次焉

至與次對不可分先後看

孟子曰持其志集註曰告子固守其心

按守其心持其志者一也

速則果能免志壹動氣之患否新安陳氏謂變心言志以心之動而有所向處言欲致持之

志壹動氣壹動志

辨疑云皆無善惡言之則氣壹動志如飲食男女之類蓋志動氣十中常有九氣動志十中亦有一捨其

多處不言就其火處言之其曰今夫蹶趨是氣而反動其心云者是亦氣字上歸重處

○知言善養吾浩然之氣

知言則必不養氣則必不

浩然之氣如長江大河渾浩流轉沛然有排空吞山之勢即中庸達道之

勇和而不流中立不倚有不變塞焉至死不變之象惟聖者能之非顏

曾思孟以上人不足以語此氣然孟子此章本意只為丑問不動心發

則所謂浩然者不問人稟賦厚薄強弱只推氣之本來體段而言之是
天地之正氣人得以生者則如惻隱之心人皆有之只是理當如此若
論盜跖便幾於無此心矣不成孟子又說箇有惻隱之心無惻隱之心
○朱子曰此章孟子之說浩然之氣似今人說氣魄相似有這氣魄便
做得這事無氣魄便做不得此言當理會如古人臨死生禍福而不變
敢去罵賊敢去徇國者如不有此氣魄辨得此義理而一向畏縮懦怯
則焉能辨如此事業士須激昂奮發常存項羽力拔山氣蓋世之意方
有進步處如黥劓之流非無些少氣魄只緣不識義理為私意所蔽故
只養成粗厲麗豪之氣衰哉○張子曰天地之塞吾其體之充者莫
非血氣則所謂浩然之氣即指血氣中配道義流出者言之耳

其為氣至大至剛

彌綸六合莫非氣透金石達句萌亦莫非是氣觀天地旋斡處便識剛大氣像

以直養

直便是義

其為氣配義與道無是餒也

無是之是即指浩然而言也如無是氣則雖知道義之為貴必有散漫不振之歎朱子所

謂雖有利刀如不得有力者用之然雖其稟氣哀而底人只在養得其道

是永上指集義而生浩氣是養氣工夫朱子曰初下工夫時集義然後生

言義而不及道者道是體義是用說氏以為言用則體在其中者得矣

其曰體上無做工夫者實未知何謂也明道所以致知豈不謂做工夫

獨詳養氣而不言持志因勉錄曰將持志知養氣工夫密而難明故孟子

識言者心之發也義者心之志也則何以辨天下之制而合事之宜由心之明而

更言持志而持志之工在其中矣雖不以辨天下之制而合事之宜由心之明而

行有不慊于心則餒矣慊者與大學自慊之慊同義心之慊處即義之所

道義餒行有不慊於心則餒是無道義則氣餒此與朱子集註有異集

則餒字之義不切如人久不食則形體飢乏而餒之意若以為道義餒

似不如從集註必有事焉小註集義是養氣之丹頭丹頭想是煉丹之

生於其心害於其政發於其政害於其事政者事之大體事者政之條目

害之意不必拘先後云者得之

善為說辭善為德行

說辭：命屬知言善言德行屬浩然之氣

昔者竊聞集註但未廣耳

他本廣下有字

伯夷伊尹何如

問二聖高下何如欲以現孟子所安之意今人直以為何如於夫子解之未安

丑只問伯夷伊尹未及孔子孟子列言夷尹之行而並及孔子意中所向往冲口不覺道出孔子也三子殊有極口津津之意於夷尹答曰不同道仍言願學孔子則其不安於三子之意可見

胡雲峯以為上半截深斥告子所以闢異端下半截推尊孔子所以承聖道也一章之旨得矣妄以愚意別為一圖附于左

端 異 闕

我四十不動心

不惑
不懼

北宮黝必勝為主似子夏

告子不動心不得於言勿求於心

嘗聞夫子之大勇自反而縮

志

心所向敬持氣之師

氣

塞間浩然直養其體至大至剛充體其用配義與道

願寧孔子

知言知性於天下事精義於所發盡無所惑

伯夷

宰我子貢善為說辭

養氣集義所生勿助勿忘氣得其養於天下事無所懼

伊尹

孟施舍無懼為主似曾子

閔子顏淵善言德行

道 聖 永

劄疑中志壹則動氣。一則動志。無善惡。雖有先儒說。踴詳孟子本意。只從不好邊說。獨詳養氣。不言持志。或問以為養氣以集義為功。集義以居敬為本。此言集義則固。非持志不能矣。程子曰。志為之主。乃能生浩然之氣。至於浩然已成。又何者為志氣之別。據此則兩先生已言之詳矣。○

伯夷伊尹何如

蓋因上文諸子之姑舍是而更進一步說。猶解作與已不同。道恐未安。以夷尹言之。則其道不同。又以夷尹而此孔子則孔子之仕止久速又與夷尹之道不同云爾。

○不同道

諸儒

與金寤軒論四端

以下與金玉如啓溫講論

剛齋曰。不忍人。抑不忍害人之意。歟。寤軒曰。非是大抵不忍云者。即下文惻隱之心。如赤子入井。則不忍見之意。其不忍之心。施於人物。固無間矣。特以仁民重於愛物。人與人又同類。其感尤易。故曰不忍人也。剛曰。羞惡義之端。而有善惡之意。是非智之端。而有是非。底思兩句。旨意相近。而心之裁制心之分別。有何不同。歟。寤軒曰。是非者。知其善以為是。而

未及于善、知其惡而為非以未及于惡、只分別之而已及夫善其善而惡其惡始乃有裁制焉此智與義之別也朱子曰智無作用不似仁義禮有作用只是知得了便交付惻隱羞惡辭讓此言大煞分明此按朱子看則智與知覺又易相混然知其非者知覺也知其是而以為是知其非而以為非者智也此處分別只爭毫釐剛曰四端即七情中善一邊也若以四配七則愛屬惻隱惡屬羞惡是非者七情之知其當否者可以當之至於辭讓當屬何情歟栗谷以見大人畏懼為禮之端果何如也哀樂之樂改以懼字退栗圖說皆然顧聞定論寤曰愛不獨屬仁喜與哀亦當屬之仁惡不獨屬義怒亦當屬之義智之無定位固似然矣而七情之欲亦當無不在矣畏懼之出於善情者必有謙退之義意故屬之於禮則辭讓之屬懼益無可疑矣以懼易樂退栗定論未之考焉而七情有懼而無樂禮運本文及程子好學論皆然獨中庸只言喜怒哀樂聖賢立言不同處與孟子之言四端一義也其實則喜怒哀樂亦可以

包四七未知何如剛曰禮運則懼字近思錄好學論則亦樂字也栗翁則以欲並屬之仁之端未知愛與欲相近而然也智則合七情而其是非之情也不當以欲當之矣寤曰好學論或懼或樂而懼當為定本故論語註載是論亦作懼字矣智之合七情果然卻意亦非以欲當之只欲謂字無定位云爾恭敬辭讓均是禮之端如仁之既曰惻隱又曰溫良道理者是也更何疑哉

論本原

盡心章集註心者人之神明大學章句釋明德曰虛是不昧或問釋致知之知字曰知則心之神明妙衆理而宰萬物者也新安陳氏以為三處互相發蓋五臟之心形如未開蓮花居肺臟之下者是也中虛不過徑寸而神明居焉此乃孔子所謂操舍存亡之心朱子所云比性微有迹之心耶黃勉齋以為以心配火其義最精然則大學章句云二形容此光明正大

之德而若不為氣質所拘物慾所蔽則其光輝瑩澈果有氣像之可見耶
夫妙衆宰萬而為神明之用者朱子所以釋致之知字而胡雲峯引以為
知字之訓者未知何據抑有合於程夫子訓智為知之義歟

寤軒曰示喻胡雲峯引朱子釋致知之知以為智字之訓此說是非浩
如聚訟今不可片言剖破

問五性是五行之理五行屬乎五臟則宜乎五臟各統一性而今以五
性各皆統於心者何耶人稟五行之氣而為五臟矣五行之序木實色
之則宜乎肝木統五臟而今以心統之者何耶

夫五臟之心即血肉之諺所謂靈通者是已其中方寸之地湛然虛明者
即知覺之心朱子曰草木自有一箇神在人則心便是所謂形既生矣神發知矣醫書所謂心藏神之神如
非血肉軀殼則神明之心又無所寓焉從古聖賢言心者皆指此神明知
覺而言耳故朱子謂五臟之心受病則可用藥補之這箇心則非芻蕘

於之所可補也。又曰：心者，身之精爽觀。此數說可以知心之體段矣。且念人之生，精與氣而已。精之神為魄，氣之神為魂。魂為目之能視聽者，魄為之也。此心之能思慮者，魂為之也。然則心者，即主宰乎一身而運用者是也。靜而具仁義禮智五常之體，動而為四端七情之用，常虛明靈爽而如鏡之照物，能寂靜感通而如寐者之有覺。凡天地萬物五行之理，莫不於於是。是乎具焉，其出入存亡變化不測之妙，視不可見，聽不可聞，言之不可詳。故朱子只以比性微有迹為言。張子亦以合性與知覺為心之名。旨哉言乎。蓋於此默識而體驗耶？至若心火腎水在之臟而分屬之地，魂木魄金在之魄而分言之也，不可以此拖引與論於此操舍出入之心也。明矣。勉齊之以心，配火比意最精者，蓋指心體之光輝明澈而言也。其有形而不可模擬有光而不可名狀，獨不如火之為物耶？此非以心臟屬火之心臟屬火之為這箇心也。

寤曰虛靈知覺是氣耶兼理氣耶張子曰合性與知覺有心之名既與性對言則非氣而何孟子曰智也者知也既與智合言則非兼理氣而何此等處極難會通不欲執一說但隨所指看得意思未知如何

程勿齋曰虛靈心之體知覺心之用然則兼理氣說似無害矣先儒云理與氣合所以虛靈又曰無氣不靈無理不虛靈之分屬理氣果何如也寤曰程說亦偏大抵虛靈知覺四字非謂虛靈與知覺也蓋曰虛靈而能知覺也知此則體用之不必分可見北溪理與氣合所以虛靈云者似非以理氣分屬虛靈也但謂此氣上具此理故此心能虛靈云爾至於黃氏理氣分屬之說穿鑿甚矣

王溪廬氏謂明德只是本心合訂頭註謂廬氏本心之說最是亂道後來王陽明謂至善是心之本體又謂至善只求諸心指心為善皆是從此處差却云：栗翁之取之其義何在

寤曰本心之論明季諸儒懲於良知家故攻之殊偏於論語從心所欲
章濂斤集註胡氏之說而又於大學之明德心欲以性當之故虛說亦
見攢然詳玩章句所謂得乎天而虛靈不昧具衆應萬事者則其諸執
實主分明以心為主而並說體用性情既而心為主則氣質有善惡之
心雖以言明德故栗翁所以有取乎玉溪本心之說也然此不但栗谷
說而已朱子亦曰良心便是明德

愚嘗謂明德者不可謂之性亦不可謂之心蓋指心所得光明正大底物
事而言也語其本體則五常之性無不具言其已發則四端之情無不備
氣質雖有清濁粹駁之別而本體之明自在物欲雖有昏明淺深之殊而
端緒之發未息故大學之教不過為因其已發而復其本體而已朱子良
心之訓玉溪本心之論皆推本溯源之意似非以心便喚做明德也明德
先儒或直以致知之知當之政合更高量

致知章頭註曰惟知者心之本
體即所謂明德也黃氏合訂註

曰知即人可
謂之明德

寤曰心所得之光明正大者不嗅做性理則只當曰本心而已然言心則自統性情言性則却遺心體此所以以心為主之論為勝也愚見則自初如此耳致知之知指為明德則此知字即或問所謂心之神明妙衆理宰萬物者又何以謂不可為心乎

偶見明齋集蓋取通書通曰知之義為智字訓釋曰智者心之通知之理此義何如

寤曰智字恐不若以別代之之為穩

答正蒙太和太虛問義

已下與
齊金洛永講論

奉讀劄示所以論太和太虛者毫分縷析不啻委百言而其要則不過以太和為天理流行無所乖戾之理太虛為上天之載無聲無臭之道蓋以集釋為是而補註為非又以朱子所謂太和狀道體之體字作體段之體

字者驟讀一遍恍若有怡然理順之意細究數回不免有愚惑滋甚之歎
只緣守株之見有滯知為大方之家所笑敢不悉罄所蘊以為就正之資
乎蓋一篇之大頭腦大宗旨無過於此四字而諸家之註釋紛紜舛錯非
但補註之說為可疑也或以太和況諸達道之和太虛況諸大本之中其
源蓋出於晦翁所謂此與中節之和無異之意或以太和為冲和之氣太
虛為氣之體其旨實出於晦翁所謂如太和太虛云者正是說氣之意然
反覆究之愚以為齊固有失楚亦未為得也何者其曰無異中節之和者
蓋為說得太和以狀道體者純得中庸致中和之義非謂宜以太和之和
同於中節之和也則然集釋之釋以達道大中者未知為得而尊創所以
直謂之無乖戾無舛舛之理者得非非常醜差處耶其曰止是說氣云者
統論其正蒙之作謂有原頭未是處非為此篇之言太虛者盡屬於之氣
也豈若補註所云之認看氣一邊着了耶又釋其太虛無形一段也一以

太虛為太極無形為無極一以上二句為陰靜下二句為陽動此二說俱為未瑩朱子不云乎無極字落在中間太虛字落在一邊此乃一副當正論由是言之其不可以太虛看作太極者明矣至若以陰陽動靜分屬於兩節者又不免渾圖吞棗之患補註之見每若此無乃得其一而未得其二者耶竊嘗論之太虛者天也由太虛有天之名是也然既謂天也則天也者理之所寓而形以下之器也理氣渾融元不相雜則就其蒼然可見者謂之氣亦可就其無聲無臭者而謂之理亦可故其所謂由虛與氣為性之虛與夫太虛無形為體之虛蓋指理分上言也其所謂太虛為清與夫虛空則氣云者亦指氣分上言也虛一也特所指者有不同耳是知太和者非別般物也即太虛中坎然升降之氣也豈非易所謂絪縕在生耶云生物之以息相吹底意耶若夫太和所謂道者猶一陰一陽之謂道也今乃以一道字致疑於其間而浸至乎認氣而為理者無乃不可乎

大抵張子之以清虛一大狀天道者誠若有病故程子有過在正蒙之語
朱子有却欠涵泳等說然夫以張夫子窮天人極神化之學豈真有以兇
為道認氣為理之弊也哉但措語下字之間不能無少差耳顧何害於太
虛之本旨耶愚則以為太虛者天也即所以涵理氣統道冠者也如依兩
般義推穀而求之則其言太虛者雖若有殊豈不鑿鑿中節而可以得張
子之本意矣未知高明以為如何體字之義似無大關於文義故不復覩
縷焉幸因明問統論一篇其說不得不長只冀恕其愚而察其旨以賜片
正幸矣

聚亦吾體条云

聚亦吾體散亦吾體者即下文所謂氣之聚散於太虛猶冰凝釋於水之
意也至若體字之義則無他焉即形體之體也此與天地之塞吾其體之
體字無異蓋太虛塊垤一元之氣充塞宇宙彌綸今古生不息無少間

新朱子曰聚者散之因散者聚之故也由是言之其聚其散變化無窮而
其所以塞兩間者其體之氣則亘萬古而自在焉若曰方其聚也安得不
謂之客方其散也安得遽謂之無者亦此意也張子之本旨不過如斯而
已非謂將已散之氣復為方聚之體也又非已死而猶有精靈不亡如釋
氏所云也補註以為體者已疑之氣者不疑之體云者真明白直截之
之言耳今欲一切刊去補註之說而別立自家新奇之論無或有近於惡
同喜異之弊乎尊必以吾體之體為體用之體而乃曰人之所得於天而
為吾之本體者理也氣聚而此理掛搭在斯氣散而此理渾然自如氣雖
清消盡而理之所以為吾本體者不隨氣而散亡云者其言非不工矣其
意非不好矣似非張子之本意而設如尊劄之旨又不免支離穿鑿之病
矣夫理氣者一而二二而一者也氣聚而理在其中氣散而理亦無掛搭
處自然之理也夫豈有氣雖消盡而理不散亡之理乎此愚之所未曉也

且體字雖作體用之體豈可以體字作理字着了乎體用之說昉於程朱而其曰體用者猶言本末耳若或並論理氣而以為理即體氣即用云爾則可也若但言理字而直曰體字則其可乎古人下字似不當若是深奧請更三思

氣聚則離明条方其散也安得遽謂之無也云々

所論得之無容更議

附金敬夫太和篇問目

太和所謂道条補註曰太和即太虛陰陽冲和之氣也又曰太虛為氣之體其理謂之神又謂之性所以狀道之體太和為氣之用其理謂之化又謂之命所以狀道之用朱子以太和太虛皆為道體又謂是形而下者恐非張子之本意

太和太虛之義補註所解說者恐未為得也何者蓋太和理也天理

流行無所乖戾故曰太和太虛亦理也上天之載無聲無臭故曰太虛補註耶謂太和即太虛陰陽冲和之氣云者並以太和太虛二者認作氣者若以太和為氣則太和所謂道之道字亦是指氣而言耶若以太虛為氣則由太虛有天之名之天字亦是指氣而言耶此其未曉者一也補註又曰太虛為氣之體此與張子所謂太虛無形氣之本體云者若無差殊而其旨則迥然有不同者夫張子之云：蓋以理為氣之體氣為理之用故其曰太虛氣之本體云者其意若曰太虛之理即是氣之本體也補註云云蓋認太虛為氣故其曰太虛為氣之體云者其意若曰太虛無形之氣為紛揉有形之氣之體此其未曉者二也補註又曰太和為氣之用夫太和是道之大用豈可謂氣之用耶此其未曉者三也補註又曰朱子以太和大虛皆為道體又是形而下者恐非張子之本意云者亦非常醜差蓋體字有二義有體用之體有體段之體朱子所謂太和狀道體之體字恐

是體改之體補註云云無或錯認此體字耶且朱子曰太和與發而中節之和無異由此觀之則朱子曷嘗不以太和為道之耶用至若形而下云云朱子下說詳載於此篇太虛為清條補註之失無容更下蓋補註之說其於理氣體用之義張朱下着之旨恐未脫洒也

聚亦吾體條

氣有聚散者有形故也理無聚散者無形故也是故氣則人生則此氣凝聚人死則此氣散亡而理則氣聚而此理具焉氣散而此理自在張子所謂聚亦吾體散亦吾體知死之不亡者可與言性云者吾體之體字非是形體之體即是體用之體蓋人之所得於天而為吾之本體者理也氣散聚此理掛搭在斯氣散而此理渾然自如氣雖消盡而理之所以為吾之本體者不隨氣而散亡知此則可與性矣語其義甚明而補註曰不亡者即道也非謂吾死猶有精靈不亡如佛氏所云也可謂得張子之本意而

惟吾體之體字錯認作形體之體字看故曰吾之體理主氣而疑者也吾體雖散然其所以凝結是體者之氣固自在於太虛也體者已凝之氣氣者不凝之體此說恐未穩若曰形體雖散然其氣固自在云則氣之自在即精靈之不亡也亦何異於佛氏之說也補註云云得彼而失此一矛而一盾誠所未曉

氣聚則離明条方其散也安得遽謂之無也

方其散也安得遽謂之無者蓋謂氣之聚散也無常生生也不窮故方其散也聚之故已在此矣已往之氣雖已散亡而方來之氣又將生聚豈可以其一散而遽謂之無耶其義不過如是非謂將此已散之氣以作復聚之形也亦非謂其形雖散而其氣猶在也集解曰散則形之散而已然其所以為形之氣則還在太虛此何異於釋氏之說也恐非張子本意

再答太和太虛問義

細看來教剖析蘊奧不害為左右逢原而無或近於刻舟求劍之患耶夫以太和太虛必以理看了者蓋朱子所謂和與中和無異之一說為其先入之見浸染牽引不覺其語之有病故耳茲不避屑畧效仰質之義幸望垂察焉蓋中庸所謂和者發而中節無所乖戾之謂也所以狀情之德而為道之用耳雖屬發而後事亦可謂天下萬事當然之理也至若正蒙所謂太和者即太虛坎北之氣也故張子之言曰不如野馬細縕不足謂謂之太和果非指細縕相盪勝負屈伸之妙而言者耶看此兩旨自有不同者存然朱子所以有無異之語者惟其借太和狀道體者能得中庸所謂發而中節之意也豈可因此一言而復蹈集釋錯看之轍耶愚以太虛為天也者自以為能得張夫子立言之本旨矣非但未蒙印可直歸之圖圖之科而末乃曰太和太虛以理言則通貫無碍以氣言則上下矛盾此愚之所未曉也若以太虛專屬理邊則太虛無形虛空為性等教語固可

謂無所碍也其曰太虛即氣之太虛不能無氣等語其果無碍乎若其太
虛為清云者似已屬形而下之鬼其氣之聚散於太虛云者不過謂空洞
無涯之天則似不可以理之一字偏言太虛由是言之以太虛而偏言理
偏言氣俱不免上下之予有似非張子之本意必以天字釋太虛然後太
知一篇之旨或縱或橫庶可通貫而無碍矣來示所謂天字固有二義一
則是專言之則道也之天也一則是高、蒼、底天也此說得之函理氣
統道兕者獨非天字之旨乎故曰太虛者天也未知高明以為如何至若
說聚散處誠如感諭然但橫渠之見固不當若是差謬以其下字析辭不
能無狹迫之病故朱子有其流乃是箇大輪迴之語蓋慮末流之錯看如
佛氏所云也更望一二指教焉

附金敬夫太和太虛問目

來教縱橫反復光怪百出用意高妙遣辭圓渾殆若七寶咒成點水不

漏給園窓深小蜂難鑽固非謬寡者所敢仰議而亦何可依違苟同有
孤勤問之意哉太和云：朱子既分明以太和與中節之和無異之則
豈可曰太和不同於中節之和耶太虛云：尊意以為太虛即是天也
而愚之惑甚焉蓋太虛之義與天字不同夫天字固有二義焉一則是
專言之則道也之天一則是高：蒼：底天也此固可曰謂之理亦可
謂之氣亦可或指理上而言或指氣上而言也至若太虛之者則未知
張子立言之本旨指何而謂之虛耶指上天載冲漠無朕而謂之虛乎
指上天之形空洞無涯而謂之虛乎若以為指上天之載冲漠無朕而
謂之虛云爾則太虛固可專屬於理而不可兼屬於氣也若以為指上
天之形空洞無涯而謂之虛云爾則太虛固可專屬於氣而不可兼屬
於理也二者必居一矣出乎理則入乎氣非是道則即是鬼也豈可曰
太虛函理氣統道鬼謂之理亦可謂之氣亦可或指理上言或指氣上

言也哉。毋或所謂太虛者，兼指上天之載，冲漠無朕，上天之形，空洞無涯，而謂之太虛耶？若是，則太虛之所以得名者，殆同滲淡之金鐵相混，伏冀之鳥鼠無定，終恐有欠於明白直截。而或近於圖圖苟且矣。蓋太和太虛之為理，為氣之辨，愚非敢必欲墨守前說，自以為是，而大抵太和太虛以理言，則通貫無碍；以氣言，則上下有故耳。未知何如來教，所謂一以太虛為大極，無形為無極，一以上二句為陰靜，下二句為陽動，此二說俱未瑩之者，的確無可議。

聚亦吾體条

鄙說紕繆，求教盡之多謝。敬蒙然此条本意，無或近於釋氏精靈不亡之說耶？大抵死生聚散之說，張子云二種，二可疑。故形潰反原之說，所以見非於程子也。未知何如。夫鄙之前說與高明今教，其指雖殊，恐非張子之本意也。僭妄為說，皇恐皇恐。

論洪範內篇揲蓍法

易範蓍法同異

易範蓍法其同者三不同者二其同者三者虛一分二卦一也其不同者二者易之揲以四範之揲以三也易則十八變而六爻備範則四揲而一爻成也易範蓍法之不同雖緣八九之異數而參同契合其理則固一也

兩奇為一止奇偶為三

為一為二為三云者立虛名而濟實用也一二三之名不立則無以濟

綱目虛實

此虛實非虛名實用之虛實也

之用故也初再揲奇偶云々補註詳之

初揲綱也

止以實從綱

初揲之數定為綱再揲之數定為目綱一函三者綱之數每一數為三數也目一為一者目之數止原數而不加也以虛待目者綱之數必減

其一數而不用以實從綱者目之數皆用其全數而不減也如初揲之數綱兩偶為二再揲之揲目奇偶為三則是綱數二目數三也綱數二內減其一不用而只餘一數目數三則全用不減以綱之餘數一為三數合目之全數三為六也

兩揲止八揲云

六之翕三之四

綱數書於圓圈內

目數書於方圈內

假如初揲則左策餘一合掛一為二右策餘二皆偶數也兩偶為二是初揲之綱數二也再揲則左策餘三合掛一為四右策餘三是一偶一奇也奇偶為三是再揲之目數三也初揲綱數二內減一而餘一數以一數為三數合再揲目數三為六三揲綱數得奇偶為三四揲目數得

初揲	二	三	五	七	九
再揲	三	四	六	八	一〇
六	八	三	四		

兩偶為二綱目之數合為八法上已上四揲得六之八是翕章五揲一

六揲三合為三七揲二八揲一合為四是翕內之三之四

初再揲後合把四十九著如前儀即四之七盈揲得之法也來教極當
木徑条

以木代著猶以錢代著也比諸上法理則無異法甚簡便無分掛屢揲
之繁故也似無大段疑晦者而但陰陽刻之用處未詳或得陽刻則定
為剛數陰刻則定為目數耶

鄙野謂以陰陽刻定綱目之謬鄙亦旋自覺得今教如此多感牖愚但

只書一二三則兩偶之四二奇偶之四三闕而不在之教有未敢曉者

蓋一即兩奇為一之一字二即兩偶為二之二字三即奇偶為三之三三字之內兩偶奇偶之數該

盡無遺矣迷見如是未知如何

八十一圖名字平吉悔吝取義一圖統八十一局

一卦之具六畫

十二木餘四云二

只用八木已得八揲之數故耳蓋一木當得一揲八木之外四無所用也縱橫之數年月相乘之說終始聽瑩自訟根鈍向云方圓圖非別有依據而慮或綱目混雜臆設方圓二圖有何意也貢愚諸条無非撒拾敷衍於補註論說有何別樣冊子以資謏陋也

撰著目法

五十著虛一分二卦一以三揲之再揲而九數具四揲而一圖成八揲而六十五百六十一之數備矣蓋初揲左手連掛一再揲左手連掛一是為兩奇兩奇為一初揲右手連掛一再揲右手連掛一是為兩偶兩偶為二初揲左手連掛一再揲左手連掛一是為奇偶奇偶

左手連掛一
右手是三

再探
二左
右手
連掛
是掛
一一

是
是為奇偶奇偶

為三初操為網除初扣之數刺其餘數以為再操再操為目耶謂網一

函三

網之數每一數為三數也

以虛待目

網之數必減其一數而不用

目一為一目之數止原以

實從網

目之數皆用其全數而不減也

者是也故初操兩奇為一則再操兩奇為一兩

偶為二奇偶為三初操兩偶為二則再操兩奇為四兩偶為五奇偶為

六初操奇偶為三則再操兩奇為七兩偶為八奇偶為九

創論律呂新書

此則通籌而合數故特識之

黃鍾長九寸空圍九分積八百一十分

黃鍾之實

六陽辰為寸六陰辰為寸分登毫絲之法

九絲為毫九毫為釐九釐為分九

分為寸以九為法者因三分損益而立也

子一

黃鍾之律

自子至亥歷十二辰皆以三乘之自亥至子歷十二辰亦以三約之

丑三

絲法

寅九

寸數

卯二十七 毫法

辰八十一 分數

巳二百四十三 釐法

午七百二十九 釐數

未二千一百八十七 分法

申六千五百六十一 毫數

酉一萬九千六百八十三 寸法

戌五萬九千〇〇四十九 絲數

亥一十七萬七千一百四十七

十二律之實 三分損益 隔八相生

黃鍾之實

子 十一 黃鍾十七萬七千一百四十七

會九寸 半無

下生 林鍾

以一萬九千六百八十三約之為寸數
以二千一百八十七約之為分數
以二百四十三約之為釐數
以二十七約之為毫數
以三約之為絲數

丑^六林鍾十一萬八千〇〇九十八

上生太簇

全六寸 半三寸不用

寅^五太簇十五萬七千四百六十四

下生南呂

全八寸 半四寸

卯^八南呂十〇萬四千九百七十六

上生姑洗

全五寸三分 半二寸六分不用

辰^三姑洗十三萬九千九百六十八

下生應鍾

全七寸一分 半三寸五分

巳^十應鍾九萬三千三百一十二

上生蕤賓

全四寸六分六釐 半二寸三分三釐不用

午^五蕤賓十二萬四千四百一十六

上生大呂

全六寸二分八釐 半三寸一分四釐

未^{計二}大呂十六萬五千八百八十八

下生夷則

全八寸三分七釐六毫 半四寸一分八釐三毫

申^{計夷則十一萬〇〇五百九十二}

上生夾鍾

全五寸五分五釐一毫 半二寸七分二釐五毫

酉^{計夾鍾十四萬七十四百五十六}

下生無射

全七寸四分三釐七毫三絲 半三寸六分六釐三毫六絲

戌^{計無射九萬八十三百〇四}

上生仲呂

全四寸八分八釐四毫八絲 半二寸四分四釐二毫四絲

亥^{計四月仲呂十三萬一千〇七十二}

餘二筭

全六寸五分八釐三毫四絲六忽 半三寸二分八釐六毫二絲二忽

變律

黃律十七萬四千七百六十二小分四百八十六

下生林鍾

全八寸七分八釐一毫六絲二忽不用

半四寸三分八釐五毫三絲一忽

林鍾十一萬六千五百小分三百八十四

上生太簇

全五寸八分二釐四毫一絲一忽三初

半二寸八分五釐六毫五絲六初

太簇十三萬五千三百四十四小分四百三十二

下生南呂

全七寸八分二毫四絲四忽七初不用

半三寸八分四釐五毫六絲六忽八初

南呂十萬三千五百六十三小分四百十五

上生姑洗

全五寸二分三釐一毫六絲一初六秒

半二寸五分六釐七絲四忽五初三秒

姑洗十三萬八千〇〇八十四六十分

下生應鍾

全七寸一釐二毫二絲一初二秒不用

半三寸四分五釐一毫一絲一初一秒

應鍾九萬二千〇〇五十六六十分

全四寸六分七毫四絲三忽一初四秒餘一

半二寸三分三毫六絲六忽六秒強不用

律生五聲

宮聲八十一下生徵

商聲七十二下生羽

角聲六十四〇

徵聲五十四上生商

羽聲四十八上生角

變宮聲四十二

六分

上生變徵

變徵聲五十六

八分

詳見小註以開平方累法推之一平方分

即四面一分

為一萬二忽

以百忽為

秋故萬忽為一分

則九平方分為九萬二忽乃以此九萬二忽依筭經少廣

章所載宋祖冲之密率乘除則得圓周長的計十分六釐三毫六秒八忽萬分忽之六十三百一十二以圓周九徑計三分三釐八毫四秒四忽萬分忽之五千六百四十五又以半徑半周相乘仍九萬二忽內一忽弱通得面積九平方分也

論長子喪服制諸節

附

喪服疏曰緦祖稱己三世為長子斬衰三年據此則必是緦曾祖之長子然後其父乃得斬衰也朱子之高祖振實惟甫之支子而朱先生猶為長子塾斬衰則雖非適二相承而若緦祖與父則當為長子三年也明矣

但先

賢最重正體非正體則不許服斬如祖桶已三

出入服色布笠

白纓白網

世中有結後者是也有南溪以下諸賢之論

俗用平涼
子或黑笠
庶布直領絞帶但不解官故赴公之服依東儒說權着黑笠布

帶若書疏自稱縗服人慰疏當云某友縗服在前

論備要握手条

備要設握手条註綦繫統擊一匝還從上自貫

從上自貫之義未詳夫從上云者始從上何指也自貫云者並貫及幾指耶

又曰反以上統

上統云者統於上何處耶

又曰取繫向下與統擊者結於掌後節中

此耶謂統擊云者即先掩一端之繫也先掩之繫既曰從上自貫則當貫在上邊似不統在於擊而此曰統擊云者何也且先一繫與後一繫

終雖結於掌後而始相合於何處耶

近世養高李公云由手表之上落統手一而四字反致設極之際一端
看繫處反摺不能平貼蓋一端重掩向上之繫必統手一而然後始為
穩貼云此說可
以補備要之闕

創上神宗皇帝書疑

賈燈事

神宗傳宣下府市司府市焚載書鄭子孔為載書大夫諸司門
司買浙燈十餘盞府司府市焚載書鄭子孔為載書大夫諸司門

乃焚之

賂伯石其事而無欲實難得其欲而從其事以要其成何後於邑

謝安之用諸桓

桓冲李朝議欲以謝玄為刺史桓冲刺史謝安俱桓氏失職怨

庾亮之召換峻

亮以蘇峻終為禍亂欲下詔徵之三司使副判官蓋鐵戶謂

部度支也舊三司使即今尚書副今

變路即今謂州路二猶欲復內刑韓絳

肉刑呂公著等以為

中書奉命令行臺諫章疏群臣奏請與創改章大臣

辭免

指韓昌司內帑出穀百萬緡賜內帑錢五百萬緡凡上供之物皆得

從貴就賤因近易遠顧知在京倉庫祠部度五千餘人禮部有祠部官掌
耶當辦者得以便宜蓄買而制有無祠部度五千餘人禮部有祠部官掌

北時王安石欲行新法於河
孝武始命臺使宋武帝時遣臺使督郡縣或
稅且增為十及齊高帝宇文融止相繼罷黜以文融請括籍外義田逃戶
初子良上疏極言其弊

言其不可帝均稅寬恤司道官分路延訪以寬民力汴水
熙寧初興復水
於田可以省漕冒佃佃田也冒言佃冒役人必用鄉戶役人謂衙前里
食安石信其言

類籼輒亦言役人江浙之間雇役業儒厭役者便雇役或官賣所在坊
之不可不用鄉戶

場以充衙前雇直罷以鄉戶為衙前始更以軍役凡買撲酒稅坊場舊以
酬衙前者從官自賣并助禁軍廂軍曰禁軍諸州鎮兵以分給使守者曰
役錢月給衙前食錢三十

軍租庸調凡授田者丁歲輸粟二石謂之租隨鄉所出歲輸納綾絕各二
二日謂庸楊炎兩稅法唐德宗時炎作兩稅使以總之其田畝之稅以秋輸無過
四年墾田之數坊郭等第品官形勢充後下五等先之熙寧初坊郭等第
為定而均收之

戶及成丁算女戶寺觀品官之家作丘甲見傳成公元年周禮四邑為立
井一甸野賦青苗放錢初陝西轉運使李泰以錢俟穀熟還官另青苗錢
使丘出之

青苗放錢初陝西轉運使李泰以錢俟穀熟還官另青苗錢
度麥粟之贏先貸以錢俟穀熟還官另青苗錢

度麥粟之贏先貸以錢俟穀熟還官另青苗錢
度麥粟之贏先貸以錢俟穀熟還官另青苗錢

度麥粟之贏先貸以錢俟穀熟還官另青苗錢
度麥粟之贏先貸以錢俟穀熟還官另青苗錢

度麥粟之贏先貸以錢俟穀熟還官另青苗錢
度麥粟之贏先貸以錢俟穀熟還官另青苗錢

度麥粟之贏先貸以錢俟穀熟還官另青苗錢
度麥粟之贏先貸以錢俟穀熟還官另青苗錢

度麥粟之贏先貸以錢俟穀熟還官另青苗錢
度麥粟之贏先貸以錢俟穀熟還官另青苗錢

數年廩有餘糧熙寧初條創司請以諸路帶平廣惠倉錢穀依陝西青苗

錢創民願預借者給之令出息二分隨夏秋抗輸納顧錢者從其便如

遇災傷許展至歲熟日納先自河北京東淮南三路拖行俟有諸推之諸

路名臣錄之五安石知明州郭縣起陽堰決塘為水陸之利貸穀于

民立息以償俾新陳相易抑配勸散給之謂買絹本用見錢預買細絹謂

邑人便之新法皆本于此抑配勸散給之謂買絹本用見錢預買細絹謂

於宋太宗而其法方春之絕時預給錢至夏秋令輸絹存糧草不許折兌

於官矣其後以益代錢以為緡直又其後益亡而額存糧草不許折兌

太中祥符初連豐令陝西河北河東為軍需貿易糧草而河北等處錢不

足則又折以象牙香藥而陝西則不許折兌蓋博糴兌糴等名之所以始

也折鈔而給印信文憑也棟刺義勇韓琦言河北河東皆有義勇陝西而當

國納款後棟放今於陝西亦常平法留上供錢每歲諸路各置常平倉糧

減價留充借貸留常平收糴之餘錢南詔之敗鉅南節度使解于仲通討

報均輸漢武帝時桑羊借貨之資輸鐵官而昭帝即位舉賢良文學之

捐五百萬緡出野云內帑齊後篡弒公治世必有篡弒之功周衛後亡札

困者也敬鄭曰其細已甚是其先亡乎逢滑知楚必復吳入楚陳逢滑

復况大國子房喬知其不久主上無功德以詐取天下今雖昇平其亡

而待足何曾知其將亂曾侍武帝宴退曰主上開創大業未嘗言寵勛亂

起唐懿宗時用兵十出九敗連被破於建隆年宋太祖笑廟稱親之議濮王憂懷

光之數其惡懷光欲見德宗請誅建隆年宋太祖笑廟稱親之議濮王憂懷

水言以水濟水也晏子曰裁減皇族止任子條式皇族親疎未育等棄熙

制時事之宜令中任子法宋太祖定任子之法至太宗而凡誕聖及節三

書密院條奏施行任子法宋太祖定任子之法至太宗而凡誕聖及節三

與議學校貢舉創子八

一	二	三	四	五	六	七	八	九	十	十一	十二	十三	十四	十五	十六	十七	十八	十九	二十	二十一	二十二	二十三	二十四	二十五	二十六	二十七	二十八	二十九	三十	三十一	三十二	三十三	三十四	三十五	三十六	三十七	三十八	三十九	四十	四十一	四十二	四十三	四十四	四十五	四十六	四十七	四十八	四十九	五十	五十一	五十二	五十三	五十四	五十五	五十六	五十七	五十八	五十九	六十	六十一	六十二	六十三	六十四	六十五	六十六	六十七	六十八	六十九	七十	七十一	七十二	七十三	七十四	七十五	七十六	七十七	七十八	七十九	八十	八十一	八十二	八十三	八十四	八十五	八十六	八十七	八十八	八十九	九十	九十一	九十二	九十三	九十四	九十五	九十六	九十七	九十八	九十九	一百
---	---	---	---	---	---	---	---	---	---	----	----	----	----	----	----	----	----	----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----	-----	-----	-----	-----	-----	-----	-----	-----	-----	----

剛齋遺稿卷之二

南館倦遊錄

詩

上忠原再從叔聖養

惠祚氏

戊申以後在真寶衙時作。再從叔性拙識博到老無成然竟日收為不越于

操觚佔畢之間余嘗受書三餘程課之外如事文類聚少微通鑑之類必手抄而口詔之余亦敬受隨聞隨錄而通鑑攷竟一帙焉戊申以後委度臨衙詔錄之難解文字之肯綮實多承聆及歸忠原又於星曆卜筮相人之法亦劄錄其概而送之蓋謂二有論不厭之德而不以童駭愚陋而傾倒困廩心竊銘感只恨當日不能叩其詳焉

泥燕巢邊噪海棠檻外紅幾旬相別恨今日尺書中愁夢朝窓兩孤懷午

月風袖珍要一見蒙養是真工

月夜携樂登玉沉亭

良宵不可寢携樂向前流月色連沙白波光共霧浮村燈孤樹裡簫鼓大

江洲下閣遊何處清風上客樓

射帙

赴武夫彎角弓，獲猛矢穿西風。雖云君子爭如是，志在賭錢反不中。

挽縣吏代作

川嶽層層路委蛇，遊魂一去返無期。將辭逆旅旼真宅，應向陶鄉化酒卮。
顏色依稀樑上見，聲容吃夢中思。薤歌聲斷蒼涼月，半夜彷徨心獨悲。
痛哭無窮恨白頭，獨依門依倚鴈鴒列。怱張鵲錫原何靳，南山壽徒空北
海樽。傷心多少意寂寞，又黃昏。

雨後觀野

携筇何所之，登龍望田野。綠樹斜陽裡，黃鸝任上下。

喜晴

宿霧隨風去，朝雲滿水生。青秧茁長翼，畝縱橫。白日巢邊燕，青山兩
後鶯。非秋穫我病，依檻聽溪聲。

知是長安路

村稀日落令人飢道遠鞭頻覺馬遲漁火江楓雲外暗孤峯深壑眼中疑
冥行莫辨龍樓近風便整聞鳳笛吹此夜忽然尋得路一聲清曲是吾師

題畫扇

携杖人長立揮鞭馬不回無香花亂發有意蝶飛來勝景毫端得好顏紙
上開莫曰非真境丹青亦美哉

觀漲

驚波巨浪吞長堤泥道羸驂沒四蹄水生雲光共漠漠不知滕龍有高低

呈龍州武夷村李上舍

天煖韻此下乙卯以按在龍宮時作李史仲章號竹下形容頽然鬚髮皓白貫穿絳

史尤工于朱子書乃嶺外巨儒也居在縣南莽蒼地不以我年少愚駭而提撕之啓發之在衙則源往來上洛則連委續倦致教詔之意六載如一日焉又善於詞律遇境輒吟人稱詩幽云

一榻雍容傾蓋初諄嘉誨幸吹噓鳴臯仙鶴聲應聞伏檻奇騏志未攄

月傍青山懷謝宅春回陋巷訪顏廬冠童五六清波上隨柳看花意有餘
家親次韻

梅閣花開建陽初滿腔春意自煽噓才非利兇根難拔身若尺虫志莫攄
靈境幸隣陶老宅賢間先訪武夷廬瓊篇忽到當清話脉脉襟期掃榻餘
伏次家親與舍伯行中韻

高唱鹿鳴入帝城揚鞭笑指瑞雲生好賢易色真吾願樂聖啣狂認浪情
終欲顯親緇美德先當酬國振名聲勉言有志能成事折得桂花在此行
衡門何處水雲盟却羨溟鵬萬里行橫玉深韜將待價遠方來士亦知名
家親原韻

八載宦遊離帝城只緣五斗誤平生暗中耽樂徠人誚醉裡謔浪豈友
情莫嫌霄壤違世態何如謹默保家聲嶠南十里分張日庸將一言贈
甫行

翻然改悟與心盟萬里鵬程載此行請看閨中年少女深坐處聞香名

徒言何所益立志最先工觸事生疣易莫如飭爾躬

初夏三江舟中

奇巖迎棹出屹立不相降過危村客匝潮流客影渡漁散三疊和簫鼓鼓聲撞出聽魚龍舞扁舟萬里江

與柳丈思叔

憲洙

氏李生元彬同往金龍寺尚開硯和贈荀坡大師

烟霞深處禪居勝筆格詩思妙透神拂拭塵埃明鏡夜澄清水月照瓶辰悟心蜂鑽雲認紙念佛鳥來石榻春我欲從君新結社白蓮恩塔有前因

上京過交龜亭龍秋

在開慶島嶺

此亭自古佩龜交臨水翼然似竹苞石立遠林躡怒虎波春深湫舞潛蛟抃天迥接飛猱路絕壑危攀老鶻巢更濯我纓依杖立却忘日影下林梢

上舍伯南行

此日此行莫虛徐鶴髮垂。方倚閭千里故寧人異鴈看雲別路意如何
江楓欲醉并梧疎千里行裝一匹驢橋外有朋如問我為言方讀古人書

上柳丈

是歲同硯于龍州館做詩百首賦二十首
余先上京不得留別茲呈教語以叙冲悵

三夏龍州客九秋信谷歸河橋未送別江樹遠依

往坡州長浦成從緒而肯默氏家路中口占

日暮尋峽路隔烟兩三家偶逢田叟問笑指石逕斜

是冬負笈于光陵寺代人次韻

擺脫揚州客詠歸花雨天無心從樹下乘興到溪邊鳥跡前溪雪鐘聲古
寺烟山僧迎我拜起掃白雲送

與再從叔道

性祿氏讀書夜坐呼聯句

玉漏聲中夜色初道晴窓靜几路東廬顏衝宵竒氣彈長鈞道隨月真工

閱古書顏禁苑林深清籟寂道波棲竹動爽襟虛顏豈因風雪談經廢道
整坐良宵淡如顏

初月聯句

纖二初月上東溪驚鳥寒枝處啼顏明鏡未圓丹桂下曲鉤猶掛碧梧
西道珠龍捲爪窺雲海玉女畫眉倚粉闥顏十五良宵留好約此時清興
一壺携道

丙辰初吉南行夜宿三街晨叢口號

晨叢寒程露濕木蒼二海色望依微旅窓睡客聽鷄起峽路行人信馬歸
點二山園平野闊三二星掛遠稀天俄然霧捲升紅日萬箇生明旭二揮

過廣巖

問南盤陀石能經幾萬禩回頭更有願永國安如此

曉叢廣巖口號

清晨客子發峽路轉斜。霧隔疑無鷄路鳴。覺有人家來綠水。近馬去青山。餘新歲故寧晚呼僮促理車。

過丹月林將軍廟

將軍遺像肅清高。廟貌巋然丹月皋。天下皆知熊虎勇。胸中早抱豹龍韜。陰森古閣疑鳴甲。寂寞空庭見舞刀。千古堂中忠義節。令人曠感淚盈袍。

書壁自警

早起而盥櫛上堂。問氣候退讀聖賢書。顏曾在左右。操存饒靜坐。鑪薰暗窓晝。造次失於此。思慮却外走。聰言如無聞。看書詎能究。肯哉精一訓。千古相傳授。惟心是嚴師。無愧處屋漏。收歛存夜氣。虛明萬理透。於斯涵養久。自新度筆舊。行餘且勉力。不學即禽獸。

偶吟

門掩清晝永。無人訪余來。靜悠中然趣。鳥語在閨梅。

次權冲齋家記事韻

冲齋諱極有近思錄袖珍每出入懷之慶會堂鈞魚賞花宴時遺之於後園宦者拾之而白

上上曰此必落自權某袖中矣命還之其後笑宗命進親覽其冊仍以新件近思錄一帙賜之當宁又進覽以心經一帙賜之蓋以兩書表裏故也仍著

序書之又呼韻以記之

青巖屹立百年餘晚菱矮松故相廬列聖寵恩皆曠典夫公心法即斯

書瑤函祇受天香濕盡閣深藏異氣嘘覲得兩編相表裡傳家忠孝儘由

於

昨宵偶吟朝示李生元彬

圖書滿壁學顏窩日工夫在切瑳灑落風光涵造化清明夜氣養中和

秋高列宿精神迥兩過群山物色多肱待君不至中宵步出向西坡

憑檻偶得

魚鳥自飛躍悠然各得情夕陽樓上坐山靜暮江清

移家後作

今館硯之舍

吾廬吾自爰城市一山林
陋巷顏賢樂空樓印老襟
洞深無俗客地靜聽
幽禽滿檻松陰下悠然對駱岑

偶次竹下和贈鄭咸昌朱韻

尺牘去來日再三
天寒白屋武夷南
空樓梧月共吟詠
陋巷簞瓢任苦飢
嶺外幸逢十里面
燈前何靳一宵談
鳴琴堂上悄然立
望裡孤峰夕陽銜

李竹下偶徠仍與舍伯元彬呼韻聯句

樓前遙望雪中寒
私各把新詩答歲華
元硯北清談徐子榻
德如城南幽興

印翁車仲携筇步月巡階竹
私沽酒先春問閣花
德浮世團圓真樂事
元

江山九曲夢還餘章

次前韻以相酬

箇中瀟灑白茅家
衝雪寒梅臘放華
盡日養閑關竹戶
有時乘興命巾車
入簾流峙枉生影
滿壁圖書畫作花
皋鶴清聲天或聞
西方千里美人賒

夜坐寫懷

窮臘他鄉倍憶家
窓前應看一枝花
冰床呵硯殘燈影
雪閣含杯素月華
客意悄悄依靜几
年光忽忽逐翻車
暮羽已去書僮睡
檻外鐘聲半夜餘

家君次呈竹下韻

茅簷竹牖是君家
日暮天寒雪作花
拱北丹心違聖世
圖南素志惜年華
冷厨生理酒三竿
弊屋經綸書五車
猶愧古人果飯意
瓊篇又到望中餘

招旌揚陋際
明時櫝玉深
韜不售知與世相違
甘素分耽書無倦復何期
初傾皂蓋猶嫌晚
下阻巾車輒恐遲
聊寓新年多少祝
更斟春酒頌靈芝

伏次時字韻以呈竹下

空谷楚音乍阻時
書僮絡繹續許心
知數宵詩話
魚嘉訓滿幅情緘說好期

香榻客歸燈耿耿茅簷禽語日遲遲寒床一夢依如昨眉宇天然嘆紫芝

靜中偶吟

靜寂官如寺詩筵傍竹園挑燈人依榻帶月客敲門妙理梅生蕊真工草
拔根責善惟吾道除却俗間言

伏次東園集鼎聯韻

靜坐閑簾翠滴峰遊絲啼鳥見春容風微竹院輕陰轉晝永梅窓醉墨濃
志士進修同鳥習此身點檢愧龍鍾偷閑竟日盤桓處歲暮心期托秀松

偶吟

默坐琴閣晝鳥嚶更無人一般玄妙三十六府春

五年嶠南館千里洛北人樽一佳客一清詩答青春右自屬

今世心猶古南州第幾人罷琴長嘯起花鳥一般春呈竹下

離合固常事天涯海角人莫辭今夜醉水閣又新春與元

朝拜竹下書因荅呈一絕

靜坐琴床日抵年風靡自掩對殘編瓊函忽到寒塞地頓覺襟肯倍豁然
簡呈竹下

鎮日常閑戶嚶嚶但鳥聲悵然回首處九曲暮雲生

次竹下韻

萍鄉閑鼎座風動滿聲初笑語律律處交情淡淡如吟詩聯耳小榻乘興
拂輕裾誰識余心樂梅軒細雨餘

步郊偶吟

夕陽步出迥西垆新服翩翩綠竹汀傍崖遠瞻雲淡淡依巖開聽水泠泠
謾隨細草仍為座偶到芳花却倒瓶植杖悠然何耶思忘機鷗鷺亦忘形
和呈鄭姑夫上舍

履祥氏再到龍州韻

忽爾叩門遠客臨清風一座淡開襟回思去歲渾成舊政識他時會設今

歷。湖山那裡在依。樓閣畫中深。溪花野鳥應知面，好伴青春再度尋。
獨向巖上觀水，李上舍乘舟而下，因律呈一律。

巷口公門斜日紅，層巖獨倚灑清風。澄江白石扁舟外，綠樹晴烟十室中。
勝地春光吾自愛，良辰豪興與誰同。悠然竟失摻衣別，九曲山高望眼窮。

中秋月與柳致疑

鼎根唱酬
戊午

淡竊蒼然籠遠林，半天星漢影森森。喜君談話逢今夜，惜我工夫過好陰。
簷外虫吟蕭颯意，雲端鴻叫別離心。停杯對月松軒下，靜聽城邊萬戶砧。

送舍伯之松京

己未

千年古國空流水，百尺孤臺但夕陽。憑君遠寄殘行淚，為灑荒橋晚竹香。
伯氣雲消嶽色留，吳王臺上月千秋。逢人莫問前朝事，堤柳山花總客愁。

次昇浦再從祖聖從

郁熙氏別業韻

謝却城塵卧海邊，胡為橋鳥谷中遷。門連夢澤三秋鴈，地近巴峯五夜鶡。

永日携筇時築圃有時把卷擁爐烟千金不若一經教世上浮名任自然
海取何似路山邊始覺人心隨物遷一壑自占閑境界四時猶管好風烟
濱江異味登鱸膾居野幽情種杜鵑莫道箇中多少意輞川畫裡坐蕭然

次居宇韻寄昇浦庄主人

為問豐西寓如何渭北居暮齡甘偃仰活計自迂疎夏褐而飢食山樵復
水漁寄言年次子時讀古人書

仙歸餘古浦騷客收居村迥桑麻富堂高柳杏疎妙機都付物活計坐收
漁衫服趁庭日雍容坐講書

月夜登竺山

在龍宮街樓

竹露沾衣冷槐風拂面清倚筇線底意呼酒有餘情月色連沈迥村客撲
崖平歸來殘燭靜高閣夜三更

乘月步向沙汀口號

出門襟次豁滿地月華濃短崖筇頭破長風水面從村稀燈數點山遠雪
千重古奇知何處微吟立遠鍾

步往武夷村與竹下偕來道中口號

去時三人去來時四人來殘雪矮扉掩夕陽盡閣開

中秋後一日夜登石泉菴和柳致凝韻

庚申

誰當層壁起飛樓天圻東南樹木秋獨立蒼茫看月地強將詩句續前遊
菴中有龜巖禪師者仍使押韻

層巖削立鎮吾東一上高臺四望同差晚籟仙遊壁下正是庾子賞樓中
野曠郡山如海浪曉寒清偈入天風起然欲和驚人句直與星河呼吸通

梨亭唱酬錄

壬戌

和金正言景天

啓河

氏深秋韻呈梨亭

梨亭權校理陽仲
後氏所居洞名

寒落群山十二封瀾口噓塊響何雄瘦林送月增清樾勁幹凌霜見碧松

志士逢秋多悵。化工成物自取。東籬不負黃花約。笑拂天風信短筇。
歸鴈

鴻毛風順去無涯。下視茫茫。秋萬家。歲暮地南柏梁熟。曉寒洲北荻蘆花。
忽驚寒日三更夢。遠印荆雲一字斜。飛到幾層真。有塔高名題處。報年華。
又詠一首以寓謾興

西園芋栗足生涯。簷出松端。是我家。雅趣座無談世客。淡客圃有記時花。
鴈嘶碧落長風抱。驚割青山片雪斜。徙倚晴窓題謾興。藤牋麝墨倍濃華。
秋興八首

吳婆楚女簇如林。夜闌十門竹葉森。紋動七襄星。鑿針穿九孔。月陰。
橘洲風俗還多巧。柳子文章謾托心。願得支機石。一片秋宵分作萬家砧。
右子厚乞巧

秋滿枕林鬢。髮斜凌虛襟。袍問南華詞。章倒瀉長江筆。肝肺橫生古木槎。

客到三更傳竹竿仙簫一曲和蘆笳瓊樓是夜寒如許敬竟牙樯破浪花

右東坡泛舟

無限秋風斜日暉吳門綠樹遠依微書稀尺鯉三江闊夢逐孤鴻萬里飛
碧澗釣漁前約在紅塵珂馬素心違蘆花流水杳何去知應織鱗秋正肥

右李鷹憶驢

星月中天似列基穎江騷客若為悲菱溪石上微醺後畫舫齋中獨倚時
此夜年光如瀨急高人義氣掩書遲風簷展讀秋聲賦寒落寒牕萬古思

右永叔讀書

南天爽氣挹西山老子婆娑即此間風景不殊河北星月光偏照石頭關
元龍百尺閑雄抱叔夜千觥對好顏半夜胡床真率態飄然特出絳仙班

右元規登樓

廣陵潮信暮江頭霜落楓林是月秋地亘三千窮遠同雲吞八九滌深愁

落霞長渚齊飛鷺晚月圓沙獨睡鷗天下大觀於水見少孺奇氣滿皇州

右枚生觀濤

早年戎服策奇功一榻清標笑語中多事黃花知月令無心烏帽落天風
將軍禮數金樽綠幕府威儀玉帶紅已覺形骸猶俗物冠簪何用此裘翁

右孟嘉落帽

結廬幽境獨逶迤復有清渠漾綠陂物色長留含露葉秋光不負傲霜枝
落英在袖黃金散晚馥浮樽白日斜採罷悠然何所憶南山蒼翠滿簾垂

右淵明採菊

八君子謾詠

蒼髯真道友相對一樽醪盤地應為荻媚春肯學桃龍鱗經雨動翠蓋接
天高用汝作殷楫何憂洪水滔

松

竹葉豈無分青已向我開六宜靈境榭三益幽人杯脩影橫雲倒虛聲帶

雨來萬夫排玉槊風物亦佳哉

竹

月落參橫夜豪情動十分冰魂粧白雪春信吐紅雲繁玉妃影飄高
士郎一枝消長理要在靜無聞

梅

宣尼咏谷裡屈老撥江邊非爾為洵美惟吾愛潔鮮先生珠韞積香聞鶴
鳴天不採蘭何病吹霑雨露偏

蘭

小塘飛碧絢圓葉宿玄夫澄鉢歲神術瀛堂說正途真人乘莽渺遊子來
輻輳晚色天然淨渾如對鑑湖

蓮

分明獨樹好村向雲中看對酒香初泛題詩露未乾宜乎元亮愛笑殺孟
郊寒種得幾畦菊心期話墨漫

菊

商嶺有餘曲白雲入夢悠草中種端異林下寄真休桃結能清髓萱生可
療愁一莖具二美那得獻瓊樓

芝

枳柑隨地氣玄造一機関羽駕蘊耽井泉戲綺季山何如千戶富利得數

畦間南國孤臣頌幽懷托此間

橘

是歲十月之望即蘓仙再遊赤壁之日也余用集字體吟成七律要
和於權丈矣景天氏聞而喜之仍押十絕韻即日和呈亦足以識其
事也權丈又於本文中得平韻一百六字有意於集字金玉如啓溫
兄潤色之其韻之奇者為七排七律七絕偶者為五排五律五絕合
二十一首為七排五排者各四為五律七絕者各三七律一五絕六
押依本文排字之次篇忌本文連珠之用其為詩令吁酷矣凡賦中
之字去疊核實為二百三十字則前後謾詠者一百二十四句衍之
為千六百餘字安得無架上架屋上屋之弊乎思謁意窮全事杜撰
殊無可觀足為後日披箱一笑之資爾

半夜斗橫一葉舟於焉高客亦從遊無言崖上魚知樂有影江中月湧流
霜落孤松驚白鶴風鳴中谷動玄龜名山此日如相待舉酒長遊自去留

次景天氏十絕韻

右七律要和權丈

寥々石壁今千霜高士清名與水長江戶一驚玄鶴夢安知羽客非中黃
客歸鴈去水長流此地疇能樂此遊夜久清霜落衣履悄然人在月明舟
千山寒落放清斂疇有高人不可過歲々視今如視昔於焉呼酒遊無何
孤舟夜戛明月歸霜落清江木葉飛高士風流曾不盡登岸一嘯露橫衣
一葉舟橫木落風我敬我荅樂其中有時俯仰歲無盡水湧而西月上東
名動一時疇與從翩翩子亦人中龍笑而問影々無荅雪月長江落々松
夜久斗橫月亦西松巖閑處是幽棲歸來四壁風鳴戶舉酒時々一鶴携
日夜水流無已時何來飛鶴一聲悲臨風笑問江皋樂睡起草堂我自知
高巖危石夜清明復有孤舟盡日橫虎將而今安在也知應江木識名聲
樂此時清歲復登高山應識我遊曾寂然道在無言處樂水從來知者能

七排 四首

斗橫西崑問何其木落孤棲聽客噫俯仰千霜今幾日登臨一臯復良時
斷巖長嘯行乎止薄酒相携笑曰嘻聲甚幽寒散白雪水行中地夢玄夷
赤松已去高風望黃葉自飛暮歲悲江東名將已寂矣谷口清流可出而
舟動龍驚夜々睡石開虎踞曉々危遊人草履來于此處士鶴衣起半枝
步過鵲巢須我適笑言魚樂應子知月輪橫戶歲無盡羽影翩々安所之
道人睡起半開堂有客于々散既將寂々寒々湏舉白來々去々盡飛黃
臨風笑問酒中適望月反驚地上霜幽谷孤松聲出自高江危石影留相
葉舟已放清風動羽士時過此夜良鳴鶴何事能挽仰攀龍是日聽行藏
一敬一嘯夢安道於水於山遊子長石壁已今應待我斗橫于崖露橫裳
東身西壁也開明客客翻々目亦行巢葉玄歲尺二臣飛流黃見一十清
願今可與適於道問子何能得此聲崖折鶴過草露動谷幽虎嘯松風鳴

山堂歲暮睡應悟江水日長舟自橫已識安危良相在不如高放酒人名
地留巖石四時樂木葉雪霜孤夢驚半夜歸來悄踞戶夷然須就寂中聽
登臯臨水歲於千有月來時一問焉山木歎非知道者江鱸行是見幾然
風驚半壁留飛白夜久中堂起草玄岩戶自開人寂：崖舟將放鶴翩：
石橫步履江聲戛霜落衣裳客影躑游子何曾識我樂幽棲盡日悄無言

七律一首

我止我行影亦從高巖歲暮見孤松戶無長者車如水堂有幽人草放茸
落木千山驚鵲鶴登舟半夜踞魚龍東山何日起安石携客風流月湧江

七絕

三首

歲無地坐小可人雪中松影動龍鱗孤舟一夜過安道巖戶寒：月半輪
步：危巖識我曾笑言遊子可攀登須知山上山無盡人一從來已十能
披衣一笑步如臯江月去人半尺高此夜昔今自在樂俯臨清流仰玄壑

五排四首

適然是日也携客來于予亦風流者子知水月手寒笑自荅步影
相須此地石如待於人山不孤昔今問幾士一二應時需名將攀龍羽良
謨蒙虎史有疇能止聽我敬鳴俛仰樂其樂登遊無處無千巖霜落
鵲半夜雪飛鱸悄每橫崖露松玄鶴呼

步斗橫崖巖樓與鶴謀登臨千巖下未去幾人不月上鵲驚起江清魚
出遊何時開此地諸子盡名流雪松藏曉虎露草有鳴乳四望山寂一
敬谷幽呼過睡不應舉酒影相留落日悄飛履長風笑放舟小堂須俛
仰高客復歸休行聽水聲細西東在疇

止可遊今夜孤舟落木風歲流不與我山水疇閑蒙悟道知龍葉無謀笑
虎馮攀携行復止歌嘯羽而宮問影橫江上巖名放酒中長安何處是相
望自東西

笑：笑何笑一言可起余行聽夜：鶴俯見鱗：魚道客今無影石巖亦
自如薄衣歸谷口肅羽下望諸問月昔人是橫舟幾處於我曾樂我樂安
步視高車

五律 三首

此遊復此日：落不須歸歲月如流水風霜上我衣江魚何所樂山鵲見
人飛無乃夢中夢而今悟昔非

翩：客影二飛雪細如泥橫崖一輪湧擎岩十斗携水清魚可見露下鶴
驚樓既望曾遊處孤舟東復西

寂：石山夜從余小子過有時鶴戛步落日魚聽歌地與人相待月來歲
幾何風流問白也視昔如今耶

五絕 六首

草堂日寂：長嘯復長嘆呼酒登高處臨風笑子安

客來放白鶴明目夢孤山是非何有我從此可遊攀
孤舟長夜舉松酒與山看岩月驚幽鶻時鳴葉上巢
鶴睡千山暮月橫半壁曉幽人何處在危石露巖
龍山何日樂不見白衣來夜久清無睡長風戶半開
四時無盡藏高客此登臨江月如人白清遊自昔今

更和玉如五言十絕

凡和詩之不押原韻亦古也既了前債更欲把筆非但併鑒之竭
亦有菊狗之嫌茲於集字中用古人集句之體就韓李諸家之詩
拈得四十句合為十絕可供一餐

山中何所有長松鳴夜風客去應已久日西月復東
高風下木葉東望黃鶴山江山如有待曉巖不可攀
長敬盡落日清酒斗十千山明望松雪其樂不可言

自有人知處仰攀日月行何時復來此悄風葉聲
有月來幾時臨風望羽客山鶴鳴夜半清自有適
長敬歸去來日暮山之幽今復幾人在望江自有流
有道山不孤中有一道士相見知何日巖高長風起
風雪夜歸人水落魚龍夜舟在月中行東西無不可
日落風亦起山黃葉飛江半舟如月流水何時歸
酒來笑復敬不知白日暮而我樂名山安得黃鶴羽

已上一首七律十首七絕二十一篇排韻及集句五絕十首皆從後
赤壁賦中集字者

附前赤壁賦集字和呈壺谷朴友希顏宗復韻

荆江萬里駕長風樽酒清遊且海東蘓子詩章曾托物吾曹襟抱自凌空
月橫渚下人何在山接終南地亦雄笑問仙舟無盡興天光渺水聲中

次明谷質 玉候平復韻 三首

寧考燕謨炳若星於乎訪落紹于庭維天之合自初載翌日而瘳膺萬齡
雷兩宣恩并誥紫春闈飾慶見於青褱當靜攝猶憂國一念僅在几
經

厨司分直列東西越曉金宮近攢蹄 聖候于今康玉色詞人解換仰
璇題百靈垂臨龜初叶一象召和風欲棲萬物同春歌 聖德欣瞻日下
樹金鷄

六氣節宣保太和欣相告庶無病 椒庭纔罷厨官直 楓陛旋吟聖
痘敬 玉候政隨一陽復天心默祐百靈羅猶歟 宗祊無彊慶歲長
如此歲多

次韓昌黎五排四十韻詠雪詩 吳西坡和之
禁用疊字

初雪冬之仲有朋訪我來剡舟中夜發梁簡是時催茶竈青烟濕松壇白

鶴猜堤平波萬頃凌迥錦千堆向日微。薄隨風片。迴清敞和郢曲神
蹟見城隈細逕行難覓軟枝壓欲摧冥茫無界限寂寞鎖樓臺盡裡漁簑
返階邊鳥篆裁撲衣冷起粟迎辰暗封苔飄灑高而下縱橫碎若按謝兒
吟絕到穎叟賞竒壞忽看山粧玉真勝兩沈埃燭斜近客。砌沒即皚。
三白爭桶端群黎可阜財徧憐歲出律誰條有崔嵬窮泛集晨霰揮陽動
地雷聚星坡老硯不曉子京盃已訝春光到還驚曙色開石危巖骨立木
晦識根培倚檻六枝碎出門二尺綏天開潛瀉竹騁巧却欺梅飛入疎林
幻包舍巨谷該霽峯增突兀騷客暫徘徊鵝鴨池連蔡筍抽詩讀後對可
剪燈爐呵筆撥爐灰珠映層。塔磧成八。魁鵬過龍壁羽失龍戰敗鱗頽
斫路車愁滑掛巖瀑未祇名傳金母竊氣謝貝宮蜀寒威凜齊君惠澤推
輕肥非素願筑獨斯人哀越大應知吠穎蝗詎作笑那將救轉壑自歎頌
空置換頌篇文士尋幽共秀才怒躡蓋虎吼活動冰魚鯢擬絮徒為爾聽

窓亦妙哉徧庭留馬跡看樹絕蜂媒漫汗川原合玲瓏宇宙恢咏歸衣彩舞年壯心猶孩

次東坡聚星堂雪十句古詩韻

至前雪臘前讌諸公之篇盡矣余於晴窓靜几取程氏易傳讀訖
四之編出門已雪深三尺依如河南講退之時油然而懷高風欣
然而賦新什第竒端識喜諸公之事也覽物寓懷吾輩之志也兩
行不悖真看題語也覽可一祭

紙窓青熒讀易燈於焉出門三尺雪風月瀟堂吟弄後霽景此日更奇絕
白帝羽衛森三開肅威所到皆摧折大冬松栢氣像嚴缺界丘壑塵埃滅
廓然平物鏡面淨豈有一點復牽掣戶外屨二河南塾恍如樞衣清光顯
六宮中滕六駕玄機無與吐談屑不知何處寒梅曠靜看絲絲自飄瞥
簷帽肅然如在座風打寒幌聽講說千秋願湘伊洛原快雪塵襟鐵中鐵

聖疹歌

是歲八月

謁廟訪落之後

嘉禮定於十月十六日紅疹自秋

大熾臣民過慮無所不到天祐我宗既行舟梁之禮坤殿先

有愆和之節大殿自十月二十七日不預症候極平順至月初

六日已臻消厥兩殿一時康復我東四百年初有之慶以今十

七日行呼嵩之儀樂院諸臣罷養有差又命春卿設增廣以廣

慶頂天踵地者孰不蹈舞慶忭乎肅廟痘候平復後有人作聖

痘歌庸以識喜今倣其體作古詩三十六句雖不合歌行之矩聊

以寓慶幸之意爾

聖人對時而節宣六氣愆和或為疹景命潛周金尺業先廟曾傳聖痘

引重慶繁祉又今日詞臣解撰書不盡尺衣如干訪落初親迎于渭曲玉

軫度幾無疾相告南山瑞色青隱隣俄聞椒庭下不豫又報楓陛玉

候診起曉鈞佩春明門仰瞻 慈宮且憂悶東曰視葉西議藥群工那有
笑見矧天心冥臨百灵護地陽初復一理昭翌日旋報康寧喜 兩殿和
氣鍾鼓翼於古有否慶于今玄龜叶吉呈兆朕 簾帷靚遽知有喜十歲
仙桃抽孝筍不日將看橫經畫月將 聖學維時敏六宮更頌閔睢德陰
化方暢種稂畛 皇灵陟降應悅祿是日呼嵩登庚尹十行仍降八方誥
聖主誕敷心腹腎髦士貢飾王國慶春卿黜陟又平允鳳池近臣便蕃賜
更有 恩命自天頂珎舞蒼生歌 聖化春滿節屋解寒寔天休滋至綿
祚楚惠澤旁流及肖煥寶籙四百初有慶 聖德復觀衣被衿一集孔神
清明躬溫如美玉票而鎮周堅下庭報平安十官鰲忤擁陞楹拱北丹心
尚懸 雪殘鳩鵲寒威緊天地召和儀鳳凰君王乘心詠跡乳三時敬省
無並多一念凜如朽索綯從深化自房闈江沱不見如雲鬢於今可復周
官制迺自司會至掌璽樂 賢 於戲思 前王晉澤無時流百年灵炤

培養美枯朽從看生芝菌歲光待時以動色儀著象公射隼隱士休歌
高山芝幸逢堯舜訣未忍是聞愆節方焦遑今焉相顧粲然報玉色欣
瞻丹宸臨羽林彤廷列五盾從此履璫勤聽政一心端為萬方準

次朱文公十梅詩用前村深雪裡昨夜一枝開分韻作五古各四句

一樹垂垂發杜子朗吟邊不遭岑寂侶何以媚芳娟十里明沙岸淡淡隔
江烟落日騎驢客乘興故不前江梅

北枝一夜信危巖托芳根暗香吹入衣能令駐行軒地煖先占春冰清倍
消魂好事美州尹遺芳炯獮村嶺梅

隔溪莽蒼地娟娟出瘦林超然冰玉姿不畏霜雪侵折來野館燈清香淺
淺斟明朝馭亭路相對意愈深野梅

百花頭上香一枝夜半結天地窮陰餘春光已涵洩不有鶉鼓催胡令驛
使折入園翻驚喜把翫坐殘雪早梅

石湖九十譜應不題冷蘂輕盈水灘淺景娜玉欄倚開鑰不見人高堂清
如水花神尚怕寒深向屋裏

寒梅

細最緩吐蕊芳香動簾箔一枝一乾坤物小其理特亭媚幽獨窩有人
安樂微風看漸長今年却勝昨

小梅

起訪春消息窓虛數枝照殘雪正鬢髩蕭客渡灞傍几香風拂移樽好
月近忽驚羅浮夢寒落參橫夜

疎梅

樹異榮枯吾將化翁詰冷枝繆龍蛇幾作調鼎實嗟人愛惜餘香繞
庭室就中觀春意分殊兩理一

枯梅

莫怨屈子騷尚登周人詩分明曲中恨羌笛向風吹滿庭憐不掃滿灑月
落時巨耐清夜興起遶兩三枝

落梅

訪雪添詩料迎月合酒杯遶樹無言處驢上意徘徊小山吟遠真知有化
工猜寒花莫深愁謾興為君開

賦梅

次退溪十竹詩用開門風動竹疑是故人未分韻作五古各四句

竹影金鎖碎未夜好顏開耀節排玉槩壓最象山疊可令清案牘幽人躔
徘徊宜月復宜雪且進綠葉杯

雪月竹

靜夜聆竹籟爽若砥寒門裊娜佳人腰駐梧丈夫喧尼父欲忘味瑟其
上園不盡懈谷韻鳴送風伯轅

風竹

銀竹森動白雨鳴山風細送茶烟濕排雲西三最寒窓鳴颯秋聲助
為雄耘亭一枝畫真蓋棄化工

雨竹

竹戶山鶴警夜長息群動泥葉瀉珠寒光若流永滿庭藻行影臨風崖
高桶心虛有神俯仰自林總

露竹

道階玉嬰兒南風吹作竹細雨膏腴濕繭栗聳籜清貧太守庭成行似
婢僕深最裡錦晚食可當肉

抽笋

竹亭人不到窺月更相疑臉長恒携尺矮簷影頻移有時風送韻清冷淅

襟期主人何須問肩輿任野之

釋竹

有竹瘦而壽名園何處是蒼筤古筴封勁節貞金矢歲暮托知音物中賢者比鳳凰咏餘枝瓊實令千禩

老竹

一日何可無相親似有故松煤淡染處龍卧岩日暮蕭瑟葉聲乾扶疎月影吐彷徨不忍去咏罷覓新句

枯竹

籜龍斤不赦清夜惱幽人對月芳陰缺散風翠色新君子以藥枯時兩杏壇春嬾空芽作叢深知造物仁

折竹

挺然獨不群孤竹清風來人去竹猶存亭換雲栽月中千尋直脩影倒墻隈於君托晚節相有意悠哉

孤竹

是日即一陽初復之日不可無味拈社韻聊以瀉懷

大冬嚴雪有陽春從看天心亦合人星象明堂受神記雷聲半夜見羲親璿衡側日南至玉佩趨朝北宸會待何辰觀聖澤嘉平佳號昉於秦

送李判書

晚秀成中

赴燕

癸亥

使者隨秋色，關山途道長。範儀真宰相，風物認文章。霜落青龍渚，日斜紅

尾，庄三樓。今復泛于有，昔人光。

三樓集有

以成朝，天後先公又。潘陽顯榮知，亦世勸翼在。今王泥灘悲，風物剪門

飽雪霜，山河須領略。為我說之詳。

癸亥九月十三日，作端上省墓之行，轉向松京遊賞，閑坐吹笛橋邊。

詠

行中得六首詩

松嶽山影裡，策蹇兩蕭蕭。白鷗底心事，倦上吹笛橋。

夜宿大興寺上，大乘堂。乘月作樂泉石可愛。

倦踏白雲小，逕斜北門鎖鑰。壯宮衙巖盤，可坐千餘客。各狹猶容十數家。

夜半鳴泉縣，玉白月中橫。笛雜銅鑼聲，一罷仙遊夢。更理芒鞋入曉霞。

自靈通寺向白石潭留贈主人。

山行六七里步出林霏若劉盤陀石太勞造物機潭清魚可數樹密鳥知歸幽人信息大樽酒繫西暉

花谷書院前有逝斯亭溪山絕勝有感

白石澄江闊洞天先生廟貌出林邊
逝斯亭下水依隄我祖撫衣年

七代祖考赤松軒公會遊花潭之門故云

崧陽即圃隱書院祗謁後敬次曾大父右相公題壁韻

駟馬荒城感舊朝崧陽院裡暮烟消
一身猶繫存亡運萬世長瞻寂寞橋
冤結土花風節凜禮隆俎豆典章昭
漠然清水高山在遺像于今正氣饒
過善竹橋有感得五古四句

壬申何年歲荒橋暮兩裡彷徨不忍去
壯士血相視片石堪可語英氣萬
古紫一死人孰無先生死於死

暮春與李善中

震朴來卿復長朴景則有緩步盤松下得聯句

甲子

偶爾着松約相携好友生元洛香醪同酌日踈兩晚來聲蟾細柳烟俱暗繁

花遠却明幃醉餘歸興促暮靄起東城景則

翌日吾家花園下前呼聯三友畢來仍詠一絕

春事多擾惱花靜白日長偶然逢佳友把杯坐斜陽

東遊楓嶽錄

朝出興仁門

朝日東城出麗譙親知携酒錢吾曹青袍坐下追風足奇氣肯爭萬丈高
過樓院懷溪南諸友

野曠山然：秋高鴈翔：隔溪莽蒼地潺：水一帶

登祝石嶺憶前年陪舍伯過此有懷

黃菊今秋色青山客夏顏西風停轡立鵲原倦鳥還

自松街暮向抱川衙

儘茲明麗地秋登九月場崗護名公碣屋連巨室庄士夫冀州北風物萃
山陽落日垂鞭去渾忘路上裳

宿望羣亭

聞邑基即土亭所
故末句及之

層峰斗起作青城徙倚危欄北望京半夜星河遊子夢一堂燈燭故人情
平林拱抱開盤谷遠出蒼茫列畫旌始覺土亭構思妙團圓十室暮烟生
過萬世橋

前路逢人問行：萬世橋入峽灘更惡天風吹面潮

登永平金水亭

亭後有白雲樓又
有四欄石釣臺

四欄石老洞天開上有孤亭百尺鬼憑欄坐惜楓林早目送沙鷗隊：迴
峽束清江兩岸開白雲樓在白雲隈子陵去後伊誰主流水聲中一釣臺
雲巖臺以其在路左而人皆狎觀余甚惜之

澗裡層巖環作池可驚可怪亦云奇青帘白叟嘻：道狀如雲物故名茲

禾積湖

峽州勝景此禾湖訝喜今看面目真天坼忽舉海鵬喝日騰如曉玉龍鱗
危巖岌岌雲霧古湫陰森泣鬼神若此楚王拔山勇可令暗啞瘖千人
銀溪郵淹一日吟得七古以記事

銀溪承
趙道字

午從鐵原豐田路暮到金化藤川涯四望暝色生最薄烟火團圓兩崖家
到衙下馬獲扇開一堂燈燭光斜主人留我終宵款綏頌紅露又吸茶
更深脫衣因倚枕奇會萍鄉樂意誇官齋一罷遊仙夢曉聽梧兩打窓欹
行程未半身何憊會事天公留客車朝來始憑前檻望天佛山時一水遮
昨昨未見今乃睹峽州風物更覺嘉門前垂柳浮青蓋檻外芳菊吐黃華
彩欄圍坐煖爐會郡醪未熟村酒賒寂寂簷鈴晝不鳴長堤烟草十里沙
夕陽携網緣溪下冠童五六影婆娑得魚歸來買柳枝白如松鱸細如蝦
河喜入峽幽事足一過軒上一笑呀憶在正宗歲丙辰學士吳公莅茲

倚吳公遺愛補到今壁上醉墨動龍蛇今世斯人那可見獨吟瓊篇倍傷
嗟縣有老妓名松娥骨相清秀髮鬢髮伊昔曾聞公所愛自言年少紅粧
嬌見汝使我增愴憾強斟一杯對燈花於焉斗轉歌扇動松月爭嬌桂宮
娃非汝之美聊慰懷梅花唱罷任醉譚白酒黃鸝真率會除却宵中只隔
些此行此事那無記歸對東城作談四

驛婢名松月能唱梅花曲故云

次吳內翰

泰曾伯紹

氏壁上韻

謫仙今不見何處山陰倚黯黯空標月玲瓏醉墨萃
醒醉皆君賜江山假以鳴蒼荒獨吟立霜鴈兩三聲

登金城校襟亭次壁上韻

巨巖環川永縹然出畫亭月宵宜舉白雲岫遠紆青未到仙山境能令醉
夢醒披襟憑檻坐恍若御風冷

慶陽樓次壁上韻

全

徙倚朱欄一望空山光野色此樓中金波拱帶官齋靜石室圍圓峽俗通
數計方塘涵午晷兩崖霜葉又秋風微醺忽上華堂面路指仙山馬首東

觀瀾齋

俗言官案轉而未如何
許好事者換此佳名

峯回路轉幽其下水瀏々仙山知不遠豪興動高秋

宿摩尼村迎仙堂步詩軸韻贈主人

閑翁何意思寄在碧溪間題軸皆吾洞無人不知山朱幡太嫵俗白首未
閑阿伯曾遊後年光且幾還問是金中軍家阿伯
印亦過此故云

朝登新髮嶺霧氣未捲未睹真面可悵

嶺路盤回百尺巍紅酣萬壑映朝暉霧中失却千峯玉悄坐天風吹客衣

踰鐵耳峴口號

繞登鐵耳峴始得金剛山斜陽驅馬倦已覺非人寰

九月九日始到長安寺

金削峯巒玉漱流夕陽隱隱鐘樓清遊不負黃花節風物仙山取次收

靈源洞

過明鏡洞登靈源卷二
幾有五樞望十五峯

鏡臺何似玉樞臺天開靈源萬壑回菴下老僧叉手語十峯森羅護如來

正陽寺歇惺樓見朴西溪吳西坡題壁詩有感

一看恍惚再驚慙真箇金剛萬二千溪翁已去坡仙遠壁月蒼涼已百年
表訓寺凌波樓

含影橋頭暮雨晴白雲紅葉洞天明檻迎青鶴峯前色樓愜黑龍澤外聲
可惜夸娥深秘地任他釋佛自成名清晨更理道山屐隔水依俦奏鳳笙

須彌塔

玉柱擎天萬丈危環觀意謂止於斯更上一臺窮眼力層層白塔抱須彌

萬瀑洞

金剛門外碧溪頭元化洞天境最幽遊客適來重九日仙郎已去幾千秋

盤岩錯落三山局，巨石橫噴萬壑流。
蓬叟筆鋒真奪造，雲臺鶴去夢悠。

八潭

一曲飛流駕黑龍，潭光天影玉淙淙。
坐我依然清淨界，蓮花萬朵洗塵容。

右黑龍潭

二曲波清境益嘉，依玉女抱琵琶。
仙鶴一去無管領，等閒風物屬禪家。

右琵琶潭

三曲平鋪鏡裡波，如烟如霧映青螺。
釀得流霞滿酌，天風拂面上微酡。

右碧霞潭

四曲谿銜洞府雄，夕陽人立兩聲中。
遙看一朵芙蓉笑，氣散瓊花逐晚風。

右噴雪潭

五曲展開白玉屏，飛流噴沫響風鈴。
冷然頓覺非人境，一樹珊瑚曉露零。

右真珠潭

六曲層巖步：竒隆然一塊伏如龜。天工巧斲還多事，植杖坐看雲起時。

右龜潭

七曲潺湲作潭澄然一鑑色。如藍猶恐登舟移，夜半寒波月秋百年心。

右船潭

八曲龍盤紫氣籠。形：色：空：真。道水窮無佳景，源頭活潑悟真工。

右火龍潭

摩訶行

仙巖瀟灑卜名基。蒼隆峰頭坐法期。以穴望天，天固小；雲簷碧桂自離。

出內水店嶺

一步回頭五步坐。毗盧峯色似留我依。潘閣倒騎地若不重來，即不可。

隱仙臺

出山得壯觀。臺若登天然，大界東南圻。滄流萬丈懸，峩：樵七寶隱：對。

三仙慎勿高聲語恐驚香案前

過曉雲洞到船潭

綴別仙山倚晚酣倦隨流水得清潭日傾恨未探真景萬景洞中一草菴

榆岵寺山暎樓

龍棲寶殿畫中新山麗水明正可人異事于今傳佛像浮生到此洗根塵
龍歸曉洞雲千古鶴去仙臺月一輪踏盡蓬臺無限景清遊歸訖度良辰
自神溪寺入玉流洞

芒鞋藜杖却尋真秋色龍人面一新將此八潭堪伯仲自成一局更精神
過龍鳳瀑轉入九龍洞

十里壁巨峽基出山如畫各流噴玉屑巖斑曬鱗介客子踏秋色窮源溯
其源直瀉十仞下飛鳳一觀快行攀藤葛蒼滑石棧臨其上蓋有龍陰
風拂面灑倒虹光眩轉隱雷響澎湃山深鳥不喧尺立却愁殺何如觀佛

跡忽憶東坡話蓬山一壯觀了我清淨債

高城三日浦

求迷曾遊地扁舟繫夕陽縹然鏡裡盡淡西施粧

夜登海山亭

蒼然皓月海中山始覺登樓眼界寬更有仙琴鳴夜半白雲何處訪南安

南石安祥亦
四山中人

拜日巖觀日出

俗名東龜岩
在高城街後

紅色一帶海連天頃刻雲龍氣狀于於焉擎出金輪盪消盡陰翳淨九埏

觀海二首

於山見楓嶽於海見柔溟大觀止於此肖裡海山經

澳移萬象荒三渾四涯咲爾望洋眼貽笑大方家

乘舟入海見海金剛

七星峯下海滔三浩駕長風一葉舫恠爾且登青色貢屹然猶障黑河濤
人桶石假真高妙山化金剛太濫叨必待燃犀探別景嵩師談罷初村醪
開或燃犀或布魚油映水看之則
又有萬二十峯於波底云故及之

通川最石亭

莖三高挿碧玉叢三好作礎樑柱海宮底意化工三琢鍤蒼光吾欲問蒼穹
歸到金化登續醉翁亭次壁上韻

花江太守亦仙綠暇日逍遙屋數椽野色蒼三園彩檻溪聲瀟三洗丹田
滁州景物山如畫賀監風流騎似船岸柳斜陽樵唱晚蓬萊歸客坐蕭然
自豐田賦向筍潭孤石亭驪江金相
別業云

百尺危欄迥絕塵顛崖急峽噴成嶠鱗三石凸疑躡數曲三巖堆可坐人
誰向夜鍾迷醉夢多愧畫錦娛清辰朗吟斜日蒼茫立山自無言水自粼
過白鷺洲謁堂叔父墓有感

短壠杉松九月秋
愀然下馬更夷猶
層巖指點蒼烟裏
倦馬無心度鷺洲
望京城口號

去來二十三日經歷一千一百程
猶喜杖鞋非俗物
路人謂我作山行
歸坐弊廬落木蕭蕭
令人意思崢嶸
所謂萬二千峰者
森森在眼
恍然如一夢
適投西溪集有次月汝長安寺韻
忘拙敬次以摠餘懷

吾聞海上三山蓬萊居其一
六鰲已霜流落在東方
世人好怪亦好奇
強而名之曰金剛
五十金佛浮海來
何年浮屠之說
太杳茫
謾令灵境信息
太湏洩年三歲
冠蓋來相望
百川噴流開靈源
萬峰森羅護衆香
曲開別界呀
不相讓
最是正陽樓上斜陽裡
廬山真面堪可賞
某峯某巖只從老僧遙指點
火鏤輝銀榜却疑鴻濛元
化氣湊得萬物太草創
玉佩羣山拱揖地
鐵衣萬馬奔騰狀
伊無一點塵土意
恍若剗削而刀刮
誰教環拱一樓前
喚爾端宜各皆骨
我來正值重陽節
巧粧霜葉紅一抹

夕陽倒射疑飛動暮雲微綴似濡沫扶杖何必上毗盧依然坐我瓊圃闕
朝暮仙郎如可遇夢入嶺山煮紅雪俯瞰萬瀑爭喧吼巖苔石棧路盤折
蘓翁大觀登泰華杜子壯遊窮溟渤飄然筇屐四海內祇應未到楓嶠烟
霞窟所以華人願一見萬朵蓮花閱幾劫醉吟更向天邊臺高萬丈雲
生榻忽接應殆無暇不覺漏萬掛其一但願誅茅傍雲烟百年終此煉
丹砂此意竟被塵事壞萬二千峯隔暮霞

李戚德如豁出接洋村方做終場工適得一律簡寄于余故余乃和

之魚寓嘲意

乙丑

一榻慙慙迫暮曛園收芋栗自平分問君來見元何見喜我得聞所不聞
簾幕風微細雨池塘秋動陰雲可笑槐黃忙舉子奚暇晴窓讀古文
敬上李公時秀

推可閣下燕行別狀

昔我先祖少痊公將赴航海之役月汝相公賸之以二絕每讀遺

篇感舊之懷茲當明公赴燕之日豈可無一言敬次集中瓊韻以
為征部一祭之資

河接青龍千尺冰山臨紅瓦十方僧何年月老朝天路舉目風光倍憶曾
迢遞關山雪沒驛老臣叩命涉天涯邦國安危一身重惟期邁返泛河槎
月次原韻

朝拜除書夕飲冰觀周行色淡如僧輕舟直泛天河上老子平生亦未嘗
積雨連宵泥沒靴見君駐馬望天涯河梁咫尺誠難越况復滄溟萬里槎

敬呈洪老兄子厚

純潘陽行中

伯氏校理受浩紉以書狀
赴潘陽其仲氏陪往

六月潘陽使旆渡鴨江海東連地軸極北接天仁皇帝謁先寢陪臣趨
大邦一隅伏管轄萬里通梯樓靡盬懷王事衝炎建使幢原鵠惜整別塞
鴈忽成獲勝覽從韋布雄心倒玉缸羨君成落一如我愧慙早托金蘭
契頻驚蓬藿楚芳隣連上閨幸燭剪西窓已許騰蛟孟誰稱貫風逢驥才

應快展驢技歎徒寵而今觀渤海無復愁濤龍鶴柱天低野鳳城兩灑石
因君增激感考俗遠淳宅泥灘年光鴻渾河水勢撞汶復今薊植周鼎已
荆扛塋記強酋血樓慙老將降北扉傳苦節東土尚餘慢舉目山河異殊
方言語咤丙戎通衣帶連疆樹柎椿肅邦傳怒棧閭岳出珣玕榛店思芳
隔蔽敬續古腔雲峯蟠遠野風逐飢虛徑遇境神應會暢懷體自壯錦囊
添蕭灑琢佩掇香芳閑樹蟬聲咽官池蛙腹勝離樽終一舉行鼓已三撻
禦暑飲河相乘涼訪石涼送君多少緒脉脉對青缸

夏依西巖寺負笈之行適有故入城炎天拾衣汗流沾裳徒步行色
極甚間閑路上忽憶癸亥春正為小科工乘雪看展獨往花溪寺之
事吟得一絕 丙寅

雪天木屐花溪寺火日拾衣華館途遙馬野之牛亦到終過山逕得雲衢
謹步圓崗祠題詠韻奉寄嚴氏諸人

古人芳躅邈難尋杜宇聲中歲月深地賴皇靈開祚運時生嚴子亦天心
兩朝優禮閭旌典百世遺風廟貌欽憐爾未蒙賢者澤江濱糊口愧儒林
古祠荒涼誰復尋邈然山峙而深江乾坤幸賴扶持力草木亦啣冤恨心
卓爾貞忠疇可比見君遺裔起余欽停毫思入無言處杜宇聲中月滿林
暮春與洪子厚老兄賞花城北洞歸路口號

丁卯

長松夾路洛東城緩步行隨碧澗聲最是斜陽堪盡處遠村花樹更分明
挽茂村李竹下

舊遊矯矯歲華濃古貌頽然竹下翁陶寫性情十首律裁揮絃籍十年工
相思聚社秋風裡入夢琴堂夜雨中家士有疑今莫質摩挲遺墨寶花濛
乃與金友敬夫講磨于李景容

差愚

之蘆原庄舍偶吟一絕示金友

戊辰

清隱斐几即仙鄉日月偏從靜裡長萬物森然皆太極虛明一室自生光

自蘆墅歸後贈敬夫

不知興國寺論此更云誰寒燭無言夜雪塘緩步時學惟探要領情若和
墳荒莫恨忽三別明春有會期

詠文

已巳心此下答
與敬夫唱酬者

炎天不敢捲簾幃每見黃昏白鳥飛暗沒膏時呈利吻曉吹雨處舊神威
煙烟告警初落影刁斗欲眠復合圍始覺禦戎無上策達宵推枕待朝暉
薄昏成隊集書幃巧穿疎簾撲飛來必颺聲騰銳氣去猶鼓吻烘餘威
墨煤四壁成三窟殘燭三更見四圍無奈營宵小態將看息影大陽暉

八君子詠用滄溟韻呈敬夫

蒙兄督迫鎮日若吟艱辛措成方欲書呈之際謾閱舊篋適見一
軸曾與權丈陽仲金丈景天及玉如諸兄士成冬唱酬也已有此
八詠不覺噴飯失笑推案叫奇試取前後所填較看優劣真耶謂

魯衛之政今去壬戌己八年矣益覺無寸長毫進反有邯鄲學步之歎可慚

蒼髯真道友擇葉酌香醪不讓蟬娟竹難為輕薄桃童二天際迥落三雪
中萬壑長風驅依然碧浪泊

松

對月金莖直捲雲玉梨開響宜高士局色泛幽人杯鴈叫蒲湘去鳳鳴嶂
谷未槎枒宵裡竹把筆興悠哉

竹

石湖几十種嘉卉細平分紅吐參橫夜黃連一穗雲嬌姪如解語高士獨
起羣靜看先天易清香隔牖聞

梅

知甬起凡卉胡為在谷邊羅處由感石屈佩愛芳鮮燕穢何傷汝馨香自
聞天聖人方對育雨露本無偏

蘭

淡：真君子軒：是丈夫香凝甬酒霞接青墩途玉鏡開粧奩珠盤轉輻
轡方塘晚色淨何必訪南湖

碧

蓮

我有黃花友最宜雪裡看堪憐金蕊嫩何忍玉壺乾脫却塵人閑飄然逸
士閑幽懷共誰論采芝路漫

菊

燁三庭靈草仙山入望悠聖人德收致隱士歌宜休樹蕙同揚烈匪萱可
療愁與君托晚契芝宇對書樓

芝

珠寶生南國年三入漢關秋色登閣殿地氣限湖山萬顆爭璀璨八珍杞
等閑仙香劈蒲袖擎出五雲間

橘

謾詠簡寄敬夫

細雨微霏宿霧收松楸寂寂下簾鉤流光驚過三庚日爽氣蟬鳴七月秋
案有殘書清晝永門無俗客篆烟留冰心一片玉壺裡翹首東崗入望悠
奉和敬夫癡字韻

鑽紙小峰子禪門始悟癡幸逢知己友不以俗人期水到巖巖激峯因絕
聲奇文章屬餘事何必謾吟詩

韻凡一百五十三字用排律體四句內禁用疊字全篇內禁用原韻
字而句數浩瀚不無八九字之押入可歎

物々媚幽獨簷鈴靜夜淨寂寥忝化造飄灑滋芳美晦顯藏其用齊煮卜
此行遙看十嶂暗誰借一燈明奇氣餘長鈿短髭然幾莖疑思還忘語運
妙只覩晴志挽三王治肖慚萬卷撐鸞騰知有命罷辱抱如驚月照靈炤
靜雲空物委紫鞋肛荒沼聒蟬咽遠林鳴銀海迷寰宇玉蛇儼上征簾開
嵐氣滴簷宿淡霞輕露草春心蕩風松日影橫洞深常戶掩酒盡任杯傾
悶寢安猶喜連床坐必并蚊雷逢夜發蠅虎向秋檉祇喜芝蘭茁何勞棖
撻撻愧予願寧孔希汝壽齊鏗桂玉甘疏糲梅塩想大羹時花初落雷鋤
草復芽萌菊圃秋客淡荷塘鏡面平梨桃紛布列橡栗雜羅生巷遠如環
抱客稀斷送迎園林饒活計履足幽情對局仙翁隱投壺君子爭教永
時習鳥能語不離猩壇杏隣膠序苑松屬水衡風光林鳥樂歲月壑蛇趨

雲出籠蒼翠霜風映紫頰波連壁沼統路接天衢亨自愛居容膝惟歎業
不精世皆趨曲逕疇復連繩紆庄隱噪最薄庭訥乞郭塋車摧太行險裾
曳候門偵迹徒爲利紛何所成人情猶冷煖乾道迭虧盈郭曲調春
雪楊嘲寓墨卿破厨洗糞盡華屋貯琴笙選勝三令娛聞妍百媚呈泣絲
由素叅觀物等蓬楹碎：爐邊拾錦：鐵裡鎗濯磨誰反璞藥枯莫如繁
一本難支厦微材愧作楨标叶閑弊實傀儡戲高棚踈隔良朋老啁啾凡
鳥嚶詞鋒騰繡虎筆勢駕奔鯨皓月懷紅友晴窓點墨兵錦囊收景物鼓
吹養喧轟思入金風颭素磨玉宇淨且娛李園燭肯受蘭亭觥沆瀣疑元
氣畏佳各自聲王生吟絲竹蕭老賦朱櫻耐熱看堂燕遷喬詠谷鶯葉籠
貯蓬木丹鼎煎瓊瓊天迴聞玄鶴山輝產赤瑛數畦移陸杞十畝種肉粳
養靜還成趣逃塵不用名沂水春日麓華嶽金天晶擲釘確心激擊壺醉
眼瞳偷閑步遶壑無語坐深更心與方塘淨身無世網嬰暮砧催處：曉

漏報丁二休運充為主嘉謨阜作虞祥光擬漢闕淑氣統周京延錄綿承
德奠基別柘裡皇天警水旱民命脫飢坑鳴鳳敷文化夢熊獻異楨萬方
玉燭朗千載紫河清憂治分符任觀風攬轡澄體天畜畫衣育物屬長贏
拱極環星宿朝天貞籙籙懣唐殿宸子魏郊旌納約容塞謬監先謹
法程驩虞民擊壤彬郁士登瀛鼓篋駁髦至扶筇鳳詔擎胡為隱蜀肆每
顧識韓荆生長同閭閻東西對屋榮雅懷堅介石清範擢珠珎覽德丹苞
羽起羣玉鼻睟時理實鑽日心田耕解榻清風灑同興新雨晴飄然
揮玉塵不覺攬塵纓易殺延壽星文湘洛閔吐絲同老蘭恤緯似孤嫔
輿理如冰釋其工在意誠清談剪曉燭爽氣洗朝醒調律推仄管講義辨
琉璃栢園斟竹葉蘆豎煎茶槍雙別還疑久相逢必有營尋幽吟桂菊滌
潔佩籬籬門植陶公柳并橫杜老析微風動穉竹細雨移香橙策倩鷗鷺
樹志非猿鶴盟冥依禍福寂守幽貞慷慨敬三閔杳杳曖山紘踈慵

開佔畢孩幼終離繡倚枕甘喧聒迷藏雜笑哩微津尋寶筏慧劍出龔酬
入室和妻孥上堂集子甥愛深祈萬壽養愧供三牲寵栗須殘捧圓菽等
大烹師傳追木晦聖代沐義菁望欲翻車轉持身處女姪擊鍾歡列戚醜
酒速諸兄赤脚歸真率蒼頭足使令欣：皆自得瑣：不須評脫設蟬起
饒因飛蛛結紉香留春草鹿射角解遠林麋發穴巧知連螺鬟遠似鬟髹煩
登盤蕨習忘米_米蠅適：井蛙跳_跳：地鸞振喚渠眼孔小使我憂心慙
魚啗釣餌擲鳥驚弓影_影蹂躪忘利害_{利害}狙_狙射奇贏_{奇贏}笑_笑守_守堂_堂覺_覺堪憐夫
相育原_原鴿_鴿敬_敬韓_韓棟_棟野_野鹿_鹿誅_誅吻_吻萍_萍晚_晚食_食聊_聊當_當肉_肉珍_珍羞_羞未_未必_必鯖_鯖汗_汗尊_尊猶_猶太_太古_古雲
鳥_鳥槐_槐箭_箭談_談白_白雪_雪鍋_鍋爐_爐竈_竈青_青烟_烟甲_甲第_第毫_毫校_校閑_閑奉_奉並_並荔_荔訊_訊卜_卜折_折筭_筭笈_笈地_地是_是梯_梯航
輳_輳處_處登_登筐_筐篋_篋盛_盛人_人皆_皆樂_樂賦_賦計_計民_民不_不見_見輶_輶輶_輶三_三元_元化_化風_風無_無終_終日_日飈_飈青_青邱_邱弘
業_業真_真金_金尺_尺顯_顯謨_謨宏_宏種_種德_德勤_勤扶_扶植_植措_措刑_刑息_息剗_剗剗_剗豈_豈知_知吾_吾王_王力_力咸_咸作_作聖_聖人_人既_既寶
塔_塔誰_誰題_題鴈_鴈蒼_蒼溟_溟願_願借_借鴈_鴈隨_隨材_材任_任居_居楔_楔量_量器_器列_列鉅_鉅麗_麗尾_尾化_化置_置區_區宇_宇榮_榮悅_悅祝_祝廟

初明時懷續韞吾友有陶弘淡雲鋪錦團日掛鉅畫屏除洞邃詞墨
石鍾鐺志似衝霄鶴身如伏盤蝶懷人聆曉碎喚友咏倉鵲物色梧飄井
天時斗指庚雲吞胸隗磊雷吼腹磅礴靈草猶茶飯醇醪勝粥飴賴君同
琢坊邈世握瑜理析理如敗木吐辭若綴纓有疑相問難考異共看瞞離
楹依烟樹麗譙隱暮城夜涼飄遠笛風靜奏隣箏從古泣荆璞何妨喚楚
愴無心眠渚鷺多事祇林鵲聖道誰行夏先民竊比彭水輪規蚌蛤爾雅
辨螭螭志在邊生被心懸魏闕振驅驢誰挈笈敗鹿早道鬻蘭室騰談屑
蓬心覺聽瑩負山難責昨點水謾吟情菊枕晨光罩蕉窓雨勢初虫吟悲
浙漚鵲含笑蛩停曉奏齊門磬果哉謂我磴

此篇中多錯
誤者宜揣量

月夜簡寄栢齋敬夫

夜冷清無寐推窓月正明黯然流想處仙鶴兩三聲

回文體偶成一律奉呈敬夫

東路寄詩清破眠我今我忘招蹄筌風微卧榻塵堆卷細雨看山遠罩烟
叢桂洞深雲隱豹矮松門掩畫吟憚舊磨共子期年暮同志雅工勉百年

敬次義閣錢席聯句韻送朴尚書宗來喜甫燕行代作

明公式過期臨歧更一問才難任專對行將展素蘊碩德三朝老軒騰際
昌運清修存家範明哲佩聖訓凝然喬嶽峙未嘗見懷念起扶由聖簡叩
命涉海郡號皇華路瞻星催夜譚朔風吹如刀剗雪明似墨遲去國
際不禁懷緒奈敢言原隰勞猶恐王事債上國觀風地詔諏是職分矧當
千一會海東大和醞瓜瓞登敬頌肖蛺蝶盛敷奮文物箕子國今德天下聞
若逢華人問木尺明片慙慙去留懷相對壁燈暈陽律管方噓春信梅
欲戰落日勞亭蕭然鳥几隱眉橫家國愁夢應君王近萬里公將行一
言我何靳緬憶有道世却走馬以盡吾知今古異風謠試據据仙槎何日
返莫待花如燉茲將穆如頌瞽公助風韻

聯句原韻

原大人

李相

可吳全

潘汝發

秀成

蘇判子

擎天

辛

李

判書

李澤陽文伯

李雅士

元過

景

李

判書

成仲

李雅士

元過

景

李

此別最可惜衰懷不須問

可擇

聖簡固則世使職率憂債

發

路指榆陰瘦

節屬梅肌較

原大

三百可以對四十亦云近

子

我詩聊遠將君凡非昔

隱德錯擬銀河通遙愁

月暈

甫

報主懷忱恂行猶愧

風韻

草

髮

憐

露宿松火念野譚

文

原隰藉王靈忠信仗素蘊

伯文

赫今上卿棲

昔

下

郡

中

成

觀

風嗟非時飲冰即推分

枕山

河

觀

大

地

鄉

社

談

小

醞

而適越西子之蒙臺

可

為

我

觀

熱

市

憑

君

問

何

唯戎提

原大

為

命

自

鄭

才

善

覲

有

宣

訓攀

白

雪

佳

句

和

青

春

好

音

聞

率憚萬里勞猶懷

百年

念

儀

山

欽

伯

夷

節

水

想

朝儻戎玉望

文

大

體

存

休

小

明

斂

片

伯

暮年難為別

賸

語

出

之

新

成

留

話

因

燭

跋愁緒如絲

系

光

丈

人

式

過

期

東

園

花

送人燕行

送子班衣作遠遊，冠蓋向皇州。唐虞舊物山河在，燕趙悲歌劍氣留。
觀覽最為天下壯，文章必自箇中求。矧今一解知成實，聊待明年報有秋。

回昏禮韻

一樂人間有德門，復親無憾寶齡尊。香筵宛是新迎婦，霜鬢蕭然已抱孫。
孝子承歡供養旨，嘉賓識喜泛觴樽。良辰再度芳緣重，百歲應深結髮恩。

次石室居士李士聲德秀仲字韻

倦起晴窓一欠伸，尋真節最豈厭頻。梅花兩捲清明節，燕子日長自在人。
良友不期成好會，騷情無賴度芳辰。斜陽生我松楸裡，管領東城萬戶春。
夏雨初晴與金敬夫李景容徐漢石萬趙君望堯往在礪亭彈琴吹笙呼韻賦聯從者李君耿舉驕子儉愚及舍李君遂重合十人庚午

兩罷尋名界能令世慮醒元驚塵起俗累林壑秘精靈容壁揭圓翁字巖

留藥老銘

夫眼驚捐樹白胸盡瘞汝青

敬

尚友孤雲在知音流水聆石灘

鳴西寺瀑山北北城高

聚老石蹲如虎危樓泛似萍

望

天晴鍾鼓報波吼

管絃停逆噴沫落巖谷作清歸渚

儉

於斯將止宿烟雨又冥

琴童

歸後謾步醒字十聯韻呈同遊諸並

出郭踰塵淨臨流醉夢醒

名亭涵地鏡高客養天靈

雲濕簷頭字沒沉石

面銘霽光籠遠紫佳興拭雙青

亂沫遙相拍細言近莫聆

天紳垂石竇江

練掛巖高濯熱啖吳蔗充飢憶楚萍

絃將流水奏歌歇暮雲停寶軸傳詞

墨飛毫

倒墨

清溪歸帶月笙鶴下玄冥

次韻

晚風衝雨薄孤閣醉眠醒

勝邀明輩偷閑養性靈

始知觀水術魚得

息心銘入野虛涵白連山遠濕青

紅橋懸處見雷奔激來聆假日恣奇

賞名區拔秘局幽谿叢花菊方沼點苔萍度鳥情仍淡奪雲勢欲停騷

人揮健筆鯨力破重溟洗劍亭頭頗歸鞭問窈冥

敬夫

溪聲添夜雨浮世色空醒成削巖鏤鬼窟深地護靈樂山塵事鉅臨水
道心銘蕉葉自浮白芒屨印淺青多慚鉛槧握頻喜管絃聆解帶圍等
棟濯纓傍六角泉紳玄素練石劍攢青萍何用侵曛起不妨永夕停坐
看雲出岫留待月離溟歸策杖餘興棲鴉露草冥

景容

次景容寄示在硯亭七律韻

苔滑青谿傍碧潯諸君聯袂抱知心斷橋偶與山僧渡喬木時聞谷鳥吟
水檻迭鳴篴竹響風濤忽送石鍾音茲遊不負佳辰約歸到東城夜雨沈
天晴偶到碧溪潯徙倚層欄淨洗心霧罷圓沙眠鷺起雷鳴急蹙老龍吟
漱流枕石恣幽賞度曲調絃奏雅音金谷酒乾詩令促蒼三歸鳥夕烟沈
寂寞棲臺碧澗潯塔然隱几却忘心晴天饒我添奇賞暇日請君莫苦吟
數曲笙歌無恨與百年山水有餘音名區每念鵝湖約會事天公積雨沈

雨中拈杜韻奉寄栢齋

時雨滂沱四野同，長安五日路難通。
雲低霧障冥濛裡，電掣雷鳴造化中。
萬屋生靈極有術，一身康濟愧無功。
寒齋坐聽床三雷，烟樹迷荒碧漢東。
乘小晴訪敬夫雨，又滂沱仍止宿。
吁聯夕得二律，夜作十聯朝呼一。
絕合二十句。

風雷陣陣雨霏霏，落晚山容滴翠微。
敬夫荒石蛙肚喧，鼓吹遠林蟬咽脆。
霸

轍洛琴童度曲堪消寂，騷客啣杯自忘歸。
敬夫此日偶然成此會，簷鈴響裡

息塵機洛

山家無事宿仙徒洛，好客來時酒倒缸。
雨脚兼風涼入戶，敬夫鱸魚如霧晚

紫窓金線響和簷鈴滴洛，玉笛聲添石澗涼。
竟日搜腸無警句，敬夫離玄小

技愧慙洛

甘霖此夜好風兼洛，佳客連床詩令嚴。
暗水遙生虛閣聽，敬夫遠山微辨曲

欄瞻逢場正喜燃華燭

洛

截墨端宜剪素縑天籟焚襟仍隱几敬兩鈴喧

耳却巡簷較雷暗動千兵點洛蛙鼓爭鳴兩部添來清談侵午夜敬沈

沈細酌滌庚炎踈姿多愧登陳榻洛雅志還同下蜀簾十載搜奇空費力

敬四時耽景不傷廉論心客臘言聯枕洛分韻今宵共發籤咏罷虬臺催

曉箭敬滿園松翠滴蒼髯

洛

朝來爽氣洗塵心

洛

睡覺晴窓興不禁從今更結東城社

敬

月滿松臺夜

夜尋

洛

歸坐松楸餘懷耿天雨初晴景尤佳謾拈前宵十聯韻奉寄要

和

既雨且晴二喜兼朝來雲陣解其嚴神功慰盡三農滿樂意還從萬物瞻
遠岫蒸霞投紫帽層巖倒暉掛霜縑摩霄鶴影歸清渚竟日蟬聲擁矮簷
鍾鼓暮樓澄景倍雷霆急峽勝觀添葛衣正喜風含軟薤簞寧忘序屬炎

燭跋前宵同隱几，壺乾此日獨依簾。
百篇詩律君留約，一夢溪山我不廉。
苔徑閒無門外轍，梅窓點檢卷頭籤。
斜陽倚枕看兒戲，髻髮髧髧競挽髯。
雨中更拈杜韻謾寄

黯然離緒此宵同，一片靈犀尺素通。
志氣潛消午夢裡，光陰虛度雨聲中。
愧無杜子驚人句，讓與齊壇執耳功。
滿壁圖書燈火靜，卧聽簷雷落丁東。

簡寄金衡老

啓泌。辛未

望君不至蓬戶啓晨烟，虛室猶生白。
幽人獨守玄，老枝蘊虎重寒蕊。
玉妃娟丹鼎新添料，三才共十全。

是歲秋駱社諸公作琴湖之道，余病未赴。
茲構數律以呈。

介石亭前翠網迴，月沒樓下掛帆催。
未知勝會誰為政，不逮親朋亦自來。
孤鶩落霞天外迥，殘山剩水鏡中開。
臨風欲問茲遊樂，病鶴如人獨上臺。

次權陽中韻

露下天高秋水長郊扉江檻接隣芳良辰艤戛黃泥坂幽事門臨綠野庄
雅戲吾人惟射鵲浮名塵世抱亡羊偶然伏枕違佳約咏罷扁舟意不忘

次枕上謾吟

出廓塵襟豁江天迥素秋親朋傾一社良夜駕扁舟曙色雲橫煥晴光月
湧沆想來成繪畫孤臥亦清遊

次舟中拈韻

蘓子泛舟日杜翁伏枕時一遊誠有數諸症累經危恩寺晨鍾遠琴湖夕
鳥遲風光勞應接題壁幾公詩

次呂友晦韻

東根

次韻

是會和者十餘人金仲編錄豐集而並錄之各曰
琴湖唱和帖其詩不能盡錄只書舍兄一律

城市亦明月江光獨素秋送歸次際鞞開放鏡中舟棲臺誰定主基射

各風沆賴有龍門酒時清觀客遊

舍兄

安興鎮六景

甲戌乙未余作觀行於舍兄任所泰安留衙數
相連日侍湯過一日有暇往觀安興而飲賦

峯起鵬舉噉天開蜃作樓搖三登彩檻頃刻失朋儔

右制勝樓午霧

霧罷沒如鏡夕陽客倚門天中屹立柱能障怒濤奔右寅錢門夕潮

聖代昇平久豚鯨繫晚汀浮何所似禪榻琉璃甃右待變高鐵欄

倦遊行處坐路轉得譙樓更有洞蕭客鳴泣海乳右伏波樓洞蕭

排藩障海口銀尺躍登舟不是為霜贈奇觀此一遊右新津浦現漁

山斷危巖立步若凌虛忽奏句天樂剛風吹滿裾右凌虛巖張樂

謾筆

洪句天地爐化二降斯民清濁分賢愚升沉殊達貧寒暑飢有漸晝夜代無因古今治亂局稍立風雨晨萬理盈便虧一氣屈必伸時事同早勞天運驗冬春百世須因革周亡知有秦漢盛流空教晉故漲湖塵消竟懷襄華夏抱腥鱗夜長煩鬼啾陸沉百粵蒸迷矣西方美莫聞詠睢麟否傾泰應來胡然帝醉鵲陰二陽一理吾見邵翁親人之奇此世忽適去賓自覺誰真覺遂廬一夢辰弱草委勁霜飛花看錦茵窮通時適然彭殤道

元均而安常處順世事不須頻南陽栽桑株北窓倒葛中爐熏松樞晝尚
友有古人

柔北固敦律中南呂適往石泉淹旬有餘日乘晴坐清風亭盤石上
默坐良久轉向石林寺同我往者朴君望宗始兄弟及穆如宗吉也

忽憶壬戌季秋與君望同硯茲寺之事安得無感乎居然歲星已十
五周矣寺前月影樓間為暴水貯漂沒實有而江山不可復識之歎
吾與諸君依舊日布衣工夫較前無寸長而髮髮亦已星良愧
吟得一絕以識之丙子

白石蒼巖正可人秋山如洗淨無塵
緬思十五年前事對影禪樓月一輪
自石泉歸後簡寄君望

一句如一日同德又同庚
臨歧分手地溪樹揔含情

仲秋端正月憶敬夫咏懷

明輝同四序偏向北宵多葉滑蛩吟轉村深犬吠賒故人應未寢獨立意
如何不禁蒼涼意臨風松下哦

企臺與申仲韶

命仲韶同

命園坐楓樹下見詩輒歸次其韻

簾捲蒼嵐滴谷呀紅錦張笑談無俗客蕭灑似禪堂秋懷書幌靜晚氣夕
天長嗒然南郭几物吾已兩忘

題金寤軒玉如金剛山卧遊帖

萬二十峯領略未乾坤納二坳堂孟詩中金石鏗清韻鏡裡丹青並翠臺
漁若得魚筌可忘舟如離海岸為陪會心誰復超形外差喜今朝宿面開

陪柳稷山文初

陳氏往

貞陵齊道遙半日而歸

落日相逢緩步歸雲林宿面見緇衣愧吾四載重來客鏡裡朱顏漸覺非
霜風露蕊澹忘歸滿聲秋光上客衣行二最愛清冷水不染塵間浪是非

奉次金殷輅

學莘

慈堂回甲韻

為賀君家大碩人童顏黃髮康寧身鶴松曉日祈千壽鳬藻春風慶六親
白戰荆園方蓄銳萃名桂籍且題新遙知彩服承歡地祇願年三此會頻

尹汝卿

繼席上逢沈上舍李徵

獻永

夜話

歸押公字韻以示之

幽居安素分知我有天公靜坐秋空月惺惺喚主翁

交神不以面冥通遇吾公對話南山夜千秋憶晦翁

青雲力難致白髮道惟公珍重荷詩教前程付化翁

臘月負笈在奉國寺次梅花詩韵寄李景容

朝旭欹窓暖白梅爐熏紫几絕纖埃老柯戍削山客立冷蕊輕盈玉貌來
竟日盍簪春滿閣移時推戶雪封臺恐君太洩花消息却遣蜂衙物色催
煖屋深三臘放梅冰顏玉質澄無埃會當天地窮陰閉扶得陽春一脉來
寒蕊每登高士筆清香偏護貴人臺悄然獨坐參橫夜倘憶雪山客意催

